

**NOGOMETNI/FUDBALSKI SAVEZ
BOSNE I HERCEGOVINE**

**PRAVILNIK O ANTI-DOPINGU
NS/FS BIH**

Sarajevo, januar/siječanj 2012.

SAVJETODAVNO TJELO

Agencija za antidoping kontrolu BiH

SADRŽAJ

Stranica

Član

Preambula

I. DJELOKRUG PRAVILNIKA O ANTI-DOPINGU I OBAVEZE

1. Predmet Pravilnika o anti-dopingu
2. Obaveze asocijacije i članica
3. Posebne obaveze igrača i tima
4. Nadležnost NF/FS BiH za vršenje testiranja

II. DEFINICIJA

Definicija

III. POVREDA ANTI-DOPING PRAVILA

5. Prisustvo zabranjene supstance
6. Korištenje ili pokušaj korištenja zabranjene supstance ili zabranjenog metoda
7. Odbijanje davanja uzorka ili nepodvrgavanje davanju uzorka
8. Nedavanje podataka o boravištu i neodazivanje na testiranje
9. Ometanje
10. Posjedovanje zabranjenih supstanci i metoda
11. Promet
12. Davanje zabranjenog metoda ili zabranjene supstance

IV. DOKAZ O DOPINGU

13. Teret i standardi dokazivanja

14. Metode utvrđivanja činjenica i pretpostavki

V. LISTA ZABRANJENIH SUPSTANCI I IZUZEĆA ZA TERAPIJSKU UPOTREBU

15. Lista zabranjenih supstanci

16. Specificirane supstance

17. Izuzeća za terapijsku upotrebu

VI. TESTIRANJE

18. Opšta pravila testiranja

19. Plan rasporeda testiranja

20. Biranje igrača za testiranje

21. Osoblje za uzimanje uzoraka: službenici Agencije za doping kontrolu, pomoćnici, pratioci

22. Nepridržavanje doping kontrole

23. Podaci o boravištu

VII. ANALIZA UZORAKA

24. Korištenje akreditovanih laboratorija

25. Standardi za analizu uzoraka i izvještavanje

26. Uzorci za ponovno testiranje

27. Vlasništvo

28. Smjernica

VIII. VOĐENJE REZULTATA

29. Postupak vođenja

30. Inicijalni pregled u pogledu nepovoljnih/atipičnih nalaza analize i obavještanje

31. Analiza „B” uzorka kod nepovoljnih nalaza analize

32. Pregled povreda ostalih anti-doping pravila

33. Povlačenje iz sporta

IX. PRIVREMENA SUSPENZIJA

34. Nadležnost

35. Obavezna privremena suspenzija nakon nepovoljnog nalaza analize “A” uzorka

36. Opcijska privremena suspenzija nakon nepovoljnog nalaza analize “A” uzorka na specificirane supstance ili nakon drugih povreda anti-doping pravila

37. Dobrovoljna suspenzija

38. Obavještanje

39. Kad se pokaže da je uzorak „B” negativan

X. PRAVEDNO SASLUŠANJE

40. Nadležnost

41. Pravo na pravedno saslušanje

42. Principi za vođenje pretresa

43. Razmatranja Disciplinskog komiteta NS/FS BiH

44. Postupak tokom takmičenja

XI. SANKCIJE KOJE SE IZRIČU POJEDINCIMA

45. Izricanje zabrane zbog upotrebe nedozvoljenih supstanci i nedozvoljenih metoda

46. Izricanje zabrane zbog povreda ostalih anti-doping pravila

47. Ukidanje ili smanjenje perioda trajanja zabrane na osnovu specifičnih ili izuzetnih okolnosti
48. Značajna pomoć u otkrivanju ili utvrđivanju povreda anti-doping pravila
49. Priznanje o povredi anti-doping pravila u odsustvu drugog dokaza
50. Smanjenje kazne kad je u pitanju više odredaba
51. Otežavajuće okolnosti koje mogu dovesti do izricanja duže zabrane
52. Višestruke povrede
53. Početak tečenja perioda zabrane
54. Status tokom zabrane
55. Testiranje prije vraćanja prava igranja
56. Izricanje novčanih kazni
57. Vraćanje novčane nagrade ili druge vrste finansijske podrške

XII. POSLJEDICE ZA TIMOVE

58. Ciljano testiranje tima
59. Kazna za klub

XIII. ŽALBE

60. Odluke na koje se ulaže žalba
61. Interni pravni lijekovi
62. Žalbe na odluke donesene na državnom nivou
63. Žalbe na odluke donesene na međunarodnom nivou
64. Žalbe na odluke kojima se odobrava ili ne odobrava izuzeće za terapijsku upotrebu

IX. POVJERLJIVOST I IZVJEŠTAVANJE

- 65. Informacije o potencijalnim povredama anti-doping pravila
- 66. Javno otkrivanje
- 67. Informacije o boravištu i testiranju
- 68. Privatnost podataka

XV. ZASTARA

Zastara

XVI. PRIZNAVANJE

- 69. Uzajamno priznavanje
- 70. Priznavanje od strane asocijacija i konfederacija

XVII. OPŠTA PRAVILA

- 71. Adresati
- 72. Forma
- 73. Tumačenje Pravilnika o anti-doping u NS/FS BiH
- 74. Dodatni propisi
- 75. Predmet primjene: vrijeme
- 76. Pitanja koja nisu predviđena Pravilnikom

DODACI

- A. Definicije
- B. Lista zabranjenih supstanci
- C. Izuzeća za terapijsku upotrebu
- D. Boravište
- E. Postupak testiranja
- F. Obrasci
- G. Spisak laboratorija koje je akreditovala Agencija za antidoping kontrolu BiH

Na osnovu člana 28. Statuta Nogometnog/Fudbalskog saveza Bosne i Hercegovine, Komiteta za normalizaciju NS/FS BiH, na sjednici održanoj 08.05.2012. godine donosi slijedeći

PRAVILNIK O ANTI-DOPINGU NS/FS BIH

I. DJELOKRUG PRAVILNIKA O ANTI-DOPINGU I OBAVEZE

Djelokrug Pravilnika NS/FS BiH o anti-dopingu

Član 1.

1. Ovaj Pravilnik će važiti za NS/FS BiH, članice NS/FS BiH i njihove članice, te za igrače, klubove, sportsko pomoćno osoblje, službena lica utakmice, dužnosnike i ostale osobe koje učestvuju u aktivnostima, utakmicama ili takmičenjima u organizaciji NS/FS BiH ili njenih članica, na osnovu njihovog dogovora, članstva, udruživanja, autorizacije, akreditacije ili učešća.
2. Ovaj Pravilnik će važiti za sve doping kontrole za koje je nadležan NS/FS BiH, odnosno njegove članice.

Posebne obaveze igrača i tima

Član 2.

1. Igrači, drugi pojedinci, nogometne/fudbalske organizacije i drugi nogometni/fudbalski subjekti odgovorni su za to da budu upućeni u postupke koji predstavljaju povredu nekog anti-doping pravila i u supstance i metode, koji su uključeni u Listu zabranjenih supstanci i zabranjenih metoda.
2. Igrači imaju obavezu da se podvrgavaju doping testovima kako je propisano u poglavlju IV. Svaki igrač kojeg je odgovorno lice odredilo za doping testiranje, bilo kao rezultat ciljanog testiranja ili žrebanja, dužan je obezbijediti uzorak urina a na zahtjev, i uzorak krvi, te je dužan da se podvrgne ljekarskom pregledu koji odgovorno lice smatra potrebnim i da sarađuje s ovim licem u tom pogledu.
3. Igrač ima pravo na:
 - a) prisutnost timskog ljekara ili drugog predstavnika i, po potrebi, prevodioca;

- b) da bude obaviješten o postupku uzimanja uzorka i da traži dodatne informacije o postupku uzimanja uzorka.
4. Igrač ima obavezu da:
- a) bude pod direktnom opservacijom službenika za doping kontrolu Agencije za antidoping kontrolu BiH ili pratioca cijelo vrijeme od trenutka kad je obaviješten o doping kontroli do trenutka kad je završeno uzimanje uzorka;
 - b) se pridržava procedure uzimanja uzorka (igrač će biti obaviješten o mogućim posljedicama odbijanja da se pridržava procedure);
 - c) se odmah javi na testiranje, osim ako ima validne razloge za odlaganje, kako je određeno članom 4, stav 3. Dodatka E ovog Pravilnika.
5. Svaki igrač / tim koji bude identifikovan za uključivanje u nacionalnu registrovanu test grupu obavezan je da pruži informacije o boravištu kako je propisano u Dodatku D. Igrači mogu predstavniku tima koji je određen za to delegirati obavezu pružanja informacije o boravištu igrača.

Nadležnost Agencije za antidoping kontrolu BiH za vršenje testiranja

Član 3.

1. Agencija za antidoping kontrolu BiH je nadležna za vršenje testiranja u svim klubovima i nad njihovim igračima koji su članovi asocijacije ili koji učestvuju u nekoj utakmici ili takmičenju u organizaciji NS/FS BiH.
2. U skladu s ovim Pravilnikom, Agencija za antidoping kontrolu BiH će svoje testiranje fokusirati na igrače koji se nalaze u nacionalnoj registrovanoj test grupi i na igrače koji se takmiče ili se spremaju da se takmiče na utakmicama ili takmičenjima u organizaciji NS/FS BiH.

II. DEFINICIJA I CILJEVI

Definicija i ciljevi

Član 4.

- 1 Prema odredbama ovog Pravilnika doping je strogo zabranjen. Doping se definiše kao povreda jednog ili više anti-doping pravila propisanih u poglavlju III ovog Pravilnika.

- 2 Osnovni ciljevi doping kontrole su trostruki:
 - a) podizanje i zaštita sportske etike;
 - b) očuvanje fizičkog zdravlja i mentalnog integriteta igrača;
 - c) osiguranje da svi takmičari imaju jednake šanse.

III. POVREDE ANTI-DOPING PRAVILA

Prisustvo zabranjene supstance

Član 5.

1. Lična obaveza svakog igrača je da se pobrine da u njegov organizam ne dospije neka zabranjena supstanca. Igrači su odgovorni za bilo koju zabranjenu supstancu ili metabolite iste ili markere otkrivene u njihovim uzorcima. U skladu s tim, nije neophodno da se s igračeve strane demonstrira krivica, greška, nemar ili upoznatost s upotrebom da bi se u skladu s ovim članom utvrdila povreda nekog anti-doping pravila.
2. Dokazi o kršenju anti-doping pravila u skladu s ovim članom utvrđuju se na osnovu jednog od slijedećih načina:
 - a) prisustvo zabranjene supstance ili njenih metabolita ili markera u igračevom „A” uzorku kad igrač odustaje od analize uzorka „B” pa se uzorak „B” ne analizira;
 - b) kada se analizira igračev uzorak „B”, a analiza igračevog uzorka „B” potvrdi prisustvo zabranjene supstance ili njenih metabolita ili markera nađenih u igračevom uzorku „A”.
3. Izuzimajući one supstance za koje je u Listi zabranjenih supstanci konkretno postavljen kvantitativni prag, prisustvo bilo koje količine zabranjene supstance ili njenih metabolita ili markera u igračevom uzorku predstavljaće povredu anti-doping pravila.
4. Kao izuzetak od opšteg pravila iz ovog člana, Lista zabranjenih supstanci ili Međunarodni standardi mogu utvrditi posebne kriterije za evaluaciju zabranjenih supstanci koje mogu biti proizvedene i endogenim putem.

Korištenje zabranjene supstance ili zabranjenog metoda

ili pokušaj korištenja

Član 6.

Uspješna ili neuspješna upotreba ili pokušaj upotrebe neke zabranjene supstance ili metoda su nematerijalni. Da bi se smatralo kako je počinjena povreda anti-

doping pravila, dovoljna je upotreba ili pokušaj upotrebe neke zabranjene supstance ili metoda.

Odbijanje davanja uzorka ili nepodvrgavanje davanju uzorka

Član 7.

Odbijanje davanja uzorka ili nepodnošenje uzorka bez opravdanog razloga predstavlja odbijanje davanja uzorka ili nepodnošenje uzorka bez opravdanog razloga, a nakon primitka obavještenja u skladu sa važećim anti-doping pravilima, ili izbjegavanje uzimanja uzorka na neki drugi način.

Nedavanje podataka o boravištu i neodazivanje na testiranje

Član 8.

Kršenje uslova propisanih u Dodatku D u pogledu dostupnosti igrača za testiranje izvan takmičenja uključuje nedavanje potrebnih podataka o boravištu i nedolaska na testiranje. Bilo koja kombinacija tri nedolaska na testiranje ili nedavanja podataka o boravištu unutar perioda od 18 mjeseci predstavljaće povredu anti-doping pravila u skladu sa uslovima propisanim u Dodatku D.

Posjedovanje zabranjenih supstanci i metoda

Član 9.

1. Posjedovanje zabranjenih supstanci i metoda od strane igrača podrazumijeva da igrač u toku takmičenja posjeduje bilo koji zabranjeni metod ili zabranjenu supstancu, ili kad igrač izvan takmičenja posjeduje bilo koji zabranjeni metod ili zabranjenu supstancu koji/a je zabranjen/a izvan takmičenja, izuzev ako igrač može dokazati da ih posjeduje na osnovu sa izuzeća za terapijsku upotrebu koje je odobreno u skladu sa članom 17 ili ako pruži drugo prihvatljivo opravdanje.
2. Posjedovanje zabranjenih supstanci i metoda od strane članova pomoćnog sportskog osoblja podrazumijeva da član pomoćnog sportskog osoblja u toku takmičenja posjeduje bilo koji zabranjeni metod ili zabranjenu supstancu, ili kad član pomoćnog sportskog osoblja izvan takmičenja posjeduje bilo koji zabranjeni metod ili zabranjenu supstancu koji/a je zabranjen/a izvan takmičenja u vezi s igračem, takmičenjem ili treningom, izuzev ako član pomoćnog sportskog osoblja može dokazati da ih posjeduje na osnovu izuzeća za terapijsku upotrebu koje je igraču odobreno u skladu sa članom 15 ili ako pruži drugo prihvatljivo opravdanje.

Davanje zabranjenog metoda ili zabranjene supstance

Član 10.

Davanje ili pokušaj davanja zabranjenog metoda ili zabranjene supstance predstavlja čin davanja ili pokušaj davanja zabranjenog metoda ili zabranjene supstance bilo kojem igraču u toku takmičenja, ili davanje ili pokušaj davanja zabranjenog metoda ili zabranjene supstance bilo kojem igraču izvan takmičenja, ili asistiranje, ohrabrivanje, pomaganje, nagovaranje, prikrivanje ili bilo koja druga vrsta saučesništva u kršenju anti-doping pravila ili pokušaju kršenja anti-doping pravila.

IV. DOKAZ O DOPINGU

Teret dokazivanja i standard dokaza

Član 11.

1. Na Agenciji za antidoping kontrolu BiH je teret dokazivanja da je prekršeno neko anti-doping pravilo. Standard dokaza će biti da li je Agencija utvrdila da je prekršeno neko anti-doping pravilo, imajući na umu težinu takve optužbe. U svim slučajevima, standard dokaza je snažniji od običnog vaganja vjerovatnoće, ali je slabiji od dokaza izvan razumne sumnje.
2. Kad Pravilnik o anti-doping NS/FS BiH teret dokazivanja stavlja na igrača ili drugo lice optuženo za povredu anti-doping pravila, kako bi pobio neku pretpostavku ili utvrdio specificirane činjenice ili okolnosti, standard dokaza će naći vaganjem vjerovatnoće, izuzev u slučaju iz člana 47, stav 1 i člana 51, pod uslovima u kojima igrač mora zadovoljiti snažniji teret dokaza.

Metode utvrđivanja činjenica i pretpostavki

Član 12.

Činjenice koje se odnose na povredu anti-doping pravila mogu se utvrđivati svakim pouzdanim sredstvom, uključujući priznanje. Sljedeća pravila dokazivanja primjenivaće se u slučajevima dopinga:

1. Pretpostavlja se da su laboratorije koje je akreditovala Agencija za antidoping kontrolu BiH vodile postupak analize uzorka i procedure čuvanja u skladu sa važećim standardom za laboratorije. Igrač ili drugo lice mogu pobiti ovu pretpostavku utvrđujući da je došlo do odstupanja od važećeg standarda za laboratorije za koje se rezonski smatra da je moglo dovesti do nepovoljnog nalaza analize uzorka.

Ukoliko igrač ili drugo lice pobije prethodnu pretpostavku dokazujući da je došlo do odstupanja od Međunarodnog standarda za laboratorije za koje se rezonski smatra da je dovelo do nepovoljnog nalaza analize uzorka, na NS/FS BiH će biti teret dokazivanja da takvo odstupanje nije dovelo do nepovoljnog nalaza analize uzorka.

2. Odstupanja od bilo kojeg drugog važećeg standarda ili nekog drugog anti-doping pravila ili politike koja nisu dovela do nepovoljnog nalaza analize uzorka ili povreda nekog drugog anti-doping pravila neće obezvrjediti takve rezultate. Ukoliko igrač ili drugo lice tvrdi da je postojalo odstupanje od nekog drugog standarda ili nekog drugog anti-doping pravila ili politike za koje se rezonski smatra da je moglo dovesti do nepovoljnog nalaza analize uzorka ili povreda nekog drugog anti-doping pravila, na NS/FS BiH će biti teret utvrđivanja da takvo odstupanje nije dovelo do nepovoljnog nalaza analize uzorka ili činjenične osnove za povredu nekog antid-doping pravila.
3. Činjenice utvrđene odlukom nadležnog suda ili nadležnog disciplinskog komiteta s nadležnom jurisdikcijom na koju nije uložena žalba biće neoboriv dokaz protiv igrača ili drugog lica na koje se odnosi odluka, osim ako igrač ili drugo lice tvrde da su tom odlukom prekršeni principi prirodne pravde.

V. LISTA ZABRANJENIH SUPSTANCI I IZUZEĆA ZA TERAPIJSKU UPOTREBU

Lista zabranjenih supstanci

Član 13.

1. Zabranjene supstance i zabranjeni metodi obuhvataju sve što se nalazi na Listi zabranjenih supstanci i metoda koju objavljuje i revidira WADA (vidi www.wada.ama.org.)
2. Izuzev kad NS/FS BiH objavi drugačije, Lista zabranjenih supstanci i metoda i revizije iste stupaju na snagu u okviru Pravilnika o anti-dopingu NS/FS BiH tri mjeseca nakon što WADA objavi Listu zabranjenih supstanci i metoda. NF/FS BiH će cirkularnim pismom pravovremeno obavijestiti klubove u takmičenjima kojima neposredno rukovodi, kao i asocijacije članice, o eventualnim izmjenama i dopunama Liste zabranjenih supstanci i metoda.
3. Određivanje od strane WADA-e koje će zabranjene supstance i zabranjeni metodi biti uključeni u Listu zabranjenih supstanci i zabranjenih metoda i klasifikacija tih supstanci u kategorije u Listi zabranjenih supstanci i zabranjenih metoda je konačno i ne može ga preispitivati igrač ili drugo lice na osnovu argumenta da predmetna supstanca ili metod nije bio maskirni agens ili da nije imao/la potencijal da poboljša performanse, da ne predstavlja zdravstveni rizik, ili ne krši sportski duh.

Specificirane supstance

Član 14.

Za potrebe primjenjivanja uslova propisanih poglavljem XI, sve zabranjene supstance će biti specificirane supstance izuzev supstanci klasifikovanih kao anabolički agensi i hormoni i oni stimulansi, hormonski agonisti i modulatori koji su kao takvi identifikovani u Listi zabranjenih supstanci i zabranjenih metoda. Zabranjeni metodi neće biti specificirane supstance.

Izuzeća za terapijsku upotrebu

Član 15.

1. Svaki igrač koji konsultuje ljekara i kojem je prepisan tretman ili lijek za terapijske potrebe dužan je ispitati da li taj prepisani tretman ili lijek sadrži zabranjene supstance ili zabranjene metode. Ukoliko je to slučaj, igrač je dužan zahtijevati alternativni tretman.
2. Ukoliko ne postoji alternativni tretman, igrač s dokumentovanim zdravstvenim stanjem koje zahtijeva upotrebu zabranjene supstance ili zabranjenog metoda dužan je prvo obezbijediti izuzeće za terapijsku upotrebu (TUE). Ipak, TUE će biti odobravani samo u slučajevima jasne i neizbježne kliničke potrebe gdje igrač ne može ostvariti takmičarsku prednost.
3. Postupak apliciranja za izuzeće i odobravanja izuzeća za terapijsku upotrebu strogo se pridržava procedura koje propisuje WADA-in Međunarodni standard za izuzeća za terapijsku upotrebu.
4. Igrači koji su uključeni u nacionalnu registrovanu test grupu, TUE mogu dobiti samo u skladu sa pravilima koja propisuje NS/FS BiH. NS/FS BiH objavljuje listu nacionalnih takmičenja za koja se od NS/FS BiH treba tražiti TUE. Pojednosti o proceduri apliciranja nalaze se u Dodatku C ovog Pravilnika. TUE-i koje NS/FS BiH odobri u skladu s ovim pravilima moraju biti prijavljeni igračevom klubu i asocijaciji.
5. Igrači koji su identifikovani ili uključeni u nacionalnu registrovanu test grupu dužni su pribaviti TUE od tijela koje je asocijacija odredila za odobravanje TUE-a, ili koje je inače nadležno za odobravanje TUE-a na teritoriji predmetnog kluba. Asocijacije će, u skladu s ovim pravilima, u svim slučajevima biti odgovorne za promptno obavještanje NS/FS BiH i Agencije za antidoping kontrolu BiH o odobrenim TUE-ima.

VI. TESTIRANJE

Opšta pravila testiranja

Član 16.

1. U skladu s ovim Pravilnikom, svaki igrač može postati predmet testiranja koje provodi NS/FS BiH tokom takmičenja na utakmicama u kojima se takmiči i testiranja izvan takmičenja u svako vrijeme i na svakom mjestu. Testiranje uključuje testove urina i krvi.
2. U okviru svoje nadležnosti, NS/FS BiH može u skladu s ovim pravilnikom, testiranje delegirati na bilo koju asocijaciju, konfederaciju, WADA-u, vladinu agenciju, NADO ili treću stranu koju smatra prikladno kvalifikovanom za te potrebe. U tom slučaju, pozivanje na FIFAinu Anti-doping jedinicu ili na FIFAinog službenika za anti-doping će, gdje god je moguće, biti shvaćeno kao strana ili osoba koja je dobila mandat.
3. Samo jedna jedina organizacija će biti odgovorna za iniciranje i provođenje testiranja u toku takmičenja.
4. Pojedinačno testiranje igrača će se provoditi bez najave. Za testiranje u toku takmičenja, izabrano mjesto može biti poznato unaprijed, ali neće biti otkriveno igraču do trenutka obavještenja o testiranju.

Plan rasporeda testiranja

Član 17.

1. Agencija za antidoping kontrolu BiH napraviće plan rasporeda testiranja za efikasno i efektno testiranje u toku i izvan takmičenja svih igrača nad kojima NS/FS BiH ima nadležnost.
2. Prilikom pripreme plana rasporeda testiranja Agencija za antidoping kontrolu BiH razmotriće doping rizike u fudbalu zasnovane na:
 - a) FIFA-inoj bazi podataka o doping kontroli o pozitivnim testovima i otkrivenim supstancama;
 - b) WADAnim statistikama;
 - c) Istoriji dopinga u nogometu/fudbalu;
 - d) Kalendaru takmičenja, uključujući pauze na kraju sezona;
 - e) Broju igrača;

- f) Fizičkim zahtjevima nogometa/fudbala; i
 - g) Istraživanju.
3. Agencija za antidoping kontrolu BiH će takođe uzeti u obzir anti-doping aktivnosti asocijacija članica NS/FS BiH, snagu nacionalnog anti-doping programa države, te rezultate ranijih ciklusa planiranja rasporeda testiranja. Taj plan će se po potrebi ažurirati na osnovu tog redovnog pregleda.
 4. Vrsta uzetih uzoraka određivaće se na osnovu vremena testiranja i broja uzetih uzoraka krvi i urina, uključujući uzorke uzete izvan takmičenja i tokom takmičenja, radi osiguranja optimalnog preventivnog djelovanja i otkrivanja dopinga u fudbalu.
 5. Član pomoćnog sportskog osoblja i/ili bilo koje drugo lice u sukobu interesa neće biti uključeno u planiranje rasporeda testiranja za svoje igrače ili u postupak selekcije igrača za testiranje.
 6. Agencija za antidoping kontrolu BiH vodiće evidenciju o podacima za planiranje rasporeda testiranja radi koordinacije aktivnosti testiranja s drugim anti-doping organizacijama.
 7. Lanac čuvanja uzoraka mora osigurati da uzorci i prateći dokumentacioni obrasci u laboratoriju stižu zajedno.

Biranje igrača za testiranje

Član 18.

1. Implementirajući plan rasporeda testiranja NS/FS BiH će birati igrače za uzimanje uzoraka metodom slučajnog odabira i ciljanim testiranjem ako je provodivo.
2. Ciljano testiranje će se zasnivati na odgovarajućoj procjeni rizika za doping i najefektnijoj upotrebi resursa kako bi se osiguralo optimalno otkrivanje i zastrašivanje. U nogometu/fudbalu kao timskom sportu, primarni cilj ciljanog testiranja biće otkrivanje sistemskog dopingovanja u timu. Ukoliko se na testu pokaže da je pozitivno više od jednog igrača u timu, ciljano testiranje će se provesti na svim igračima tog tima. Za pojedinačne igrače, ciljano testiranje se može provesti kao posljedica ponašanja koje ukazuje na doping, abnormalnih bioloških parametara (parametara krvi, profila steroida, itd.), povreda, ponovljenog nedostavljanja podataka o boravištu, istorije igračevih testova, te vraćanja igrača nakon perioda u kojem mu je bilo zabranjeno da igra.

3. Testiranje koje nije ciljano vršiće se na osnovu slučajnog izbora u skladu sa procedurom doping kontrole (dodatak E). Službenik NS/FS BiH za doping kontrolu će biti ovlašten da tokom takmičenja izabere dodatni broj igrača za uzimanje uzoraka, npr.zbog ponašanja koje ukazuje na doping. Službenik NS/FS BiH za doping kontrolu je dužan izvan takmičenja slijediti uputstva za izbor igrača koja je u predmetnom obrascu ovlaštenja dala Anti-doping jedinica NS/FS BiH.

Osoblje za uzimanje uzoraka:
službenici za dopingkontrolu, pomoćnici, pratioci

Član 19.

1. Komitet za takmičenje NS/FS BiH odrediće jednog akreditovanog službenika NS/FS BiH za doping kontrolu, koji provodi testiranja tokom takmičenja na predmetnim utakmicama.
2. Anti-doping jedinica NS/FS BiH odrediće i službenike NS/FS BiH za doping kontrolu odgovorne za doping testiranja izvan takmičenja kako su definisana u planu rasporeda testiranja.
3. Službenik za doping kontrolu mora biti ljekar. On mora proći odgovarajuću specifičnu obuku kao službenik NS/FS BiH za doping kontrolu. On će biti odgovoran za cijelu proceduru doping testiranja, uključujući uzimanje uzoraka krvi i promptno slanje uzoraka urina u relevantnu laboratoriju, a kopija obrazaca NS/FS BiH. NS/FS BiH će mu obezbijediti materijal potreban za doping testiranje.
4. Po potrebi, Jedinica za anti-doping NS/FS BIH može imenovati i jednog ili nekoliko pomoćnika službenika za doping kontrolu, npr. u slučaju dvije utakmice koje se igraju zaredom. Nadalje, službeniku za doping kontrolu mogu pomagati i pratioci.
5. Službenik NS/FS BiH za doping kontrolu može proceduru uzimanja uzoraka urina ili dijelove te procedure delegirati na svog pomoćnika. Procedura uzimanja uzoraka krvi ne može se delegirati izuzev ako je pomoćnik ljekar. U slučaju delegiranja, svako spominjanje službenika za doping kontrolu će, gdje je prikladno, biti shvaćeno sa značenjem pomoćnik.
6. Cjelokupno ostalo osoblje za uzimanje uzoraka, pored službenika za doping kontrolu, mora biti obučeno za svoje dužnosti, te ne smije biti u sukobu interesa kod ishoda uzimanja uzoraka za koje su imenovani, a članovi tog osoblja ne smiju biti maloljetni.

7. Cjelokupno osoblje za uzimanje uzoraka mora imati službenu identifikaciju koju obezbjeđuje ili NS/FS BiH ili Agencija za antidoping kontrolu BiH. Minimum zahtjeva za identifikaciju je službena akreditacija u kojoj je naveden naziv NS/FS BiH ili Agencije za antidoping kontrolu BiH, prema kojoj će ta osoba biti identifikovana. Akreditacija mora sadržavati ime i fotografiju, te datum do kojeg važi.

Nepridržavanje doping kontrole

Član 20.

1. Kad neki član osoblja za uzimanje uzoraka sazna za nešto što se desilo prije, tokom i nakon sesije uzimanja uzorka što može dovesti do odluke da je postojalo nepridržavanje doping kontrole, on je dužan o tome odmah obavijestiti službenika NS/FS BiH za doping kontrolu.
2. Nakon toga će službenik NS/FS BiH za doping kontrolu:
 - a) obavijestiti igrača ili drugu predmetnu stranu o posljedicama eventualnog nepridržavanja doping kontrole;
 - b) po mogućnosti, završiti sesiju uzimanja uzorka igrača;
 - c) Jedinici za anti-doping NS/FS BiH dostaviti detaljan pisani izvještaj o eventualnom nepridržavanju doping kontrole.
3. Nakon toga će Anti-doping jedinica NS/FS BiH:
 - a) obavijestiti igrača ili drugu predmetnu stranu o eventualnom nepridržavanju doping kontrole u pisanom obliku i omogućiti im da daju odgovor;
 - b) pokrenuti istragu o eventualnom nepridržavanju doping kontrole zasnovanu na svim relevantnim informacijama i dokumentaciji;
 - c) dokumentovati proces evaluacije;
 - d) staviti odluku na raspolaganje drugim anti-doping organizacijama u skladu sa poglavljem XIV.
4. Ukoliko Anti-doping jedinica NS/FS BiH utvrdi da postoji potencijalno nepridržavanje doping kontrole, ista će:
 - a) odmah obavijestiti igrača ili drugu stranu u pisanom obliku o mogućim posljedicama tj. da će Disciplinski komitet NS/FS BiH ili njegov ekvivalent na nivou asocijacije, istražiti potencijalno nepridržavanje i da će biti

poduzeta odgovarajuća akcija praćenja u skladu sa Pravilnikom NS/FS BiH o anti-dopingu i Disciplinskim pravilnikom NS/FS BiH;

- b) obavijestiti Disciplinski komitet NS/FS BiH o svim relevantnim činjenicama.
5. Eventualne dodatne neophodne informacije o potencijalnom nepridržavanju pribavljajuće se iz svih relevantnih izvora, uključujući igrača ili neku drugu stranu čim bude moguće i zabilježeno.
6. Disciplinski komitet NS/FS BiH će istražiti eventualno nepridržavanje i poduzeti odgovarajuću akciju praćenja u skladu sa Pravilnikom o anti-dopingu NS/FS BiH i Disciplinskim pravilnikom NS/FS BiH.
7. Anti-doping jedinica NS/FS BiH će ustanoviti sistem koji će osiguravati da se razmatraju rezultati njene istrage o potencijalnom nepridržavanju za potrebe vođenja rezultata i, ako je to slučaj, za dalje planiranje i ciljano testiranje.

VII. ANALIZA UZORAKA

Korištenje akreditovanih laboratorija

Član 21.

1. Analizu uzoraka vršiće laboratorija koja je registrovana. Izbor laboratorije ili metoda koja se koristi za analizu uzorka, određivaće isključivo Anti-doping jedinica NS/FS BiH, uz saglasnost Agencije za anti-doping BiH.

Supstance koje su predmet detekcije

Član 22.

Uzorci će biti analizirani kako bi se otkrile zabranjene supstance i zabranjeni metodi sa Liste zabranjenih supstanci i metoda i drugih supstanci prema nalogu WADAe u skladu s njenim programom praćenja.

Istraživanje na uzorcima

Član 23.

Nikakav uzorak se ne smije koristiti za potrebe koje nisu one koje su opisane u prethodnom stavu bez pisane saglasnosti igrača. Nadalje, NS/FS BiH snažno destimulira korištenje uzoraka za potrebe koje nisu one

koje su opisane u prethodnom stavu, naročito za potrebe istraživanja, jer je to u suprotnosti sa osnovnim naučnim principima i neće biti dozvoljeno za utakmice / takmičenja kojim rukovodi NS/FS BiH.

Standardi za analizu uzoraka i izvještavanje

Član 24.

Laboratorije će analizirati uzorke i izvještavati o rezultatima u skladu sa Međunarodnim standardom za laboratorije. Rukovodilac laboratorije dužan je odmah Anti-doping jedinici NS/FS BiH poslati rezultate testa putem povjerljivog faksa ili šifrovano, na drugi odgovarajući način.

Uzorci za ponovno testiranje

Član 25.

Uzorak može biti ponovo analiziran u skladu sa ovim Pravilnikom, u svako doba, ali isključivo po nalogu NS/FS BiH. Okolnosti i uslovi za ponovno testiranje uzorka mora biti u skladu sa zahtjevima Međunarodnog standarda za laboratorije.

Vlasništvo

Član 26.

Svi uzorci koje igrači daju pri doping kontrolama koje se provode pod nadležnošću NS/FS BiH odmah postaju vlasništvo NS/FS BiH.

Smjernica

Član 27.

Ukoliko u bilo kojoj fazi iskrasne neko pitanje ili problem u vezi analize ili tumačenja rezultata određenog uzorka, osoba u laboratoriji odgovorna za analizu može konsultovati Anti-doping jedinicu NS/FS BiH radi davanja smjernica.

VIII. VOĐENJE I PROVOĐENJE REZULTATA

Postupak vođenja

Član 28.

1. Nakon obavještenja o nepovoljnom nalazu analize ili drugoj povredi anti-doping pravila u okviru Pravilnika o anti doping u NS/FS BiH, to pitanje će biti predmet rezultata nadalje propisanog postupka vođenja.
2. U slučaju igrača kojeg je testirao NS/FS BiH, postupak utvrđivanja rezultata vodiće Anti-doping jedinica NS/FS BiH. U svim ostalim slučajevima postupak će voditi relevantna osoba ili tijelo igračeve asocijacije. Zahtjevi za pomoć u vođenju, ili za informacije o postupku vođenja rezultata mogu se u svako doba postaviti Anti-doping jedinici NS/FS BiH.
3. Za potrebe ovog poglavlja, spominjanje Anti-doping jedinice NS/FS BiH će gdje god to odgovara biti shvaćeno kao relevantna osoba ili tijelo asocijacije, a pozivanje na igrača će gdje god to odgovara biti shvaćeno kao pomoćno sportsko osoblje ili neka druga osoba.

Inicijalni pregled u pogledu nepovoljnih/atipičnih nalaza analize i obavještanje

Član 29.

1. Po primitku nepovoljnog ili atipičnog nalaza analize „A“ uzorka, Anti-doping jedinica NS/FS BiH će provesti pregled da bi odredila:
 - a) da li je igraču bilo ili će biti odobreno važeće izuzeće za terapijsku upotrebu zabranjene supstance;
 - b) da li postoji očigledno odstupanje od Međunarodnog standarda za laboratorije, Međunarodnog standarda za testiranje ili drugog važećeg propisa u Pravilniku o anti-doping u NS/FS BiH u tolikoj mjeri koja podriva validnost nalaza.
2. Ukoliko inicijalni pregled nepovoljnog nalaza analize ne otkrije postojanje važećeg TUE-a ili prava na TUE ili odstupanje koje je dovelo do nepovoljnog nalaza analize, Anti-doping jedinica NS/FS BiH će odmah na povjerljiv način obavijestiti Generalnog sekretara NS/FS BiH, predsjedavajućeg Disciplinskog komiteta NS/FS BiH, predsjedavajućeg Medicinskog komiteta NS/FS BiH, igračev klub o pozitivnom rezultatu „A“ uzorka. Igrač će biti istovremeno obaviješten na način propisan stavom 4. ovoga člana.
3. Ukoliko inicijalni pregled atipičnog nalaza analize ne otkrije postojanje važećeg TUE-a ili očigledno odstupanje koje je dovelo do atipičnog nalaza analize, Anti-doping jedinica NS/FS BiH će provesti potrebnu istragu. Nakon okončanja istrage, igrač (na dole opisan način), njegov klub i

predmetna asocijacija će biti obavješteni o tome da li će se atipični nalaz pretvoriti u nepovoljan nalaz analize.

4. U slučaju nepovoljnog nalaza analize, igrač mora biti smjesta obaviješten, kako je propisano članom 73, o:
- a) nepovoljnom nalazu analize;
 - b) prekršenom anti-doping pravilu;
 - c) njegovom pravu da odmah zahtijeva analizu uzorka „B“ i, ukoliko ne podnese taj zahtjev u roku koji odredi Jedinica za anti-doping NS/FS BiH (član 31) o činjenici da se može smatrati kako se igrač odrekao prava traženja analize uzorka „B“. Igrač će istovremeno biti obaviješten da ukoliko je tražena analiza uzorka „B“, sve relevantne laboratorijske troškove snosi sam igrač, izuzev ako „B“ uzorak ne uspije potvrditi „A“ uzorak, u kojem slučaju troškove snosi NS/FS BiH;
 - d) činjenici da se analiza uzorka „A“ može provesti na zahtjev NS/FS BiH neovisno od igračeve odluke u tom pogledu;
 - e) planiranom datumu, vremenu i mjestu za analizu uzorka „B“ ako igrač ili NS/FS BiH odluči da traži analizu uzorka „B“;
 - f) mogućnosti da igrač i/ili predstavnik igrača prisustvuje otvaranju i analiziranju uzorka „B“;
 - g) pravu igrača da traži kopije paketa laboratorijske dokumentacije uzorka „A“ i uzorka „B“, koji uključuju informacije koje propisuje Međunarodni standard za laboratorije;
 - h) pravu igrača da pruži objašnjenje kao svoj odgovor na tvrdnju o povredi anti-doping pravila u roku koji odredi Anti-doping jedinica NS/FS BiH.

Analiza uzorka „B“ kod nepovoljnih nalaza analize

Član 30.

1. Igrač ima pravo da traži analizu uzorka „B“ u roku 12 sati (u toku takmičenja), odnosno 48 sati (izvan takmičenja) od trenutka kad je obaviješten o nepovoljnom nalazu. Zahtjev za analizu uzorka „B“ ne utiče na privremenu suspenziju igrača (poglavlje IX).

2. Igrač može prihvatiti rezultat analize uzorka „A“ odričući se prava na analizu uzorka „B“. Međutim, NS/FS BiH može tražiti analizu uzorka „B“ u svako vrijeme ako smatra da će takva analiza biti relevantna za razmatranje igračevog slučaja.
3. NS/FS BiH će o svom zahtjevu za analizu uzorka „B“ odmah obavijestiti rukovodioca laboratorije u kojoj se čuva uzorak „B“. Analiza uzorka „B“ biće provedena u roku 48 sati od zahtjeva NS/FS BiH ili što je prije moguće. Od laboratorije se zahtijeva da bude spremna provesti analizu uzorka „B“ u ovom roku, kako je propisano sporazumom između NS/FS BiH i predmetne laboratorije prije utakmice / takmičenja na kojem se vrše kontrole. Ukoliko laboratorija nije u stanju uraditi analizu uzorka „B“ u tom roku zbog tehničkih ili logističkih razloga, analiza će se uraditi na naredni raspoloživi datum laboratorije. To se neće smatrati odstupanjem od Međunarodnog standarda za laboratorije koje bi moglo obezvrijediti postupak analize i rezultate analize. Nikakav drugi razlog se neće prihvatiti za promjenu datuma analize uzorka „B“.
4. Igraču i/ili njegovom predstavniku biće dozvoljeno da dođu na otvaranje analize uzorka „B“ i prisustvuju za vrijeme cijelog trajanja analize. Predstavnik igračeve asocijacije ili kluba može takođe prisustvovati tokom cijelog trajanja analize, kao i predstavnik NS/FS BiH.
5. Rezultati analize uzorka „B“ biće smjesta poslani Anti-doping jedinici NS/FS BiH faksom ili e-mailom. Po primitku izvještaja laboratorije, Anti-doping jedinica NS/FS BiH će provesti istragu radi praćenja koja može biti propisana Listom zabranjenih supstanci. Nakon okončane istrage, Anti-doping jedinica NS/FS BiH će promptno obavijestiti igrača o rezultatima istrage i o tome da li NS/FS BiH tvrdi ili ne tvrdi ili ostaje pri tvrdnji da je prekršeno neko anti-doping pravilo.

Pregled povreda ostalih anti-doping pravila

Član 31.

1. U slučaju eventualne povrede nekog anti-doping pravila kada nema nepovoljnog nalaza analize niti atipičnog nalaza, Anti-doping jedinica NS/FS BiH provešće istragu koju smatra neophodnom, zasnovanu na činjenicama predmetnog slučaja.
2. Onog trenutka kad Anti-doping jedinica NS/FS BiH ima razloga da vjeruje kako je možda prekršeno neko anti-doping pravilo, ista će odmah obavijestiti igrača, igračev klub i asocijaciju o povredi anti-doping pravila, te o osnovi za tu povredu.

3. Igraču će biti data prilika da, u roku koji odredi Disciplinski komitet NS/FS BiH, pruži objašnjenje kao odgovor na tvrdnje da je povrijedio anti-doping pravilo.

Povlačenje iz sporta

Član 32.

1. Ukoliko se igrač povuče iz sporta u toku postupka vođenja rezultata, NS/FS BiH zadržava nadležnost da dovrši postupak vođenja rezultata.
2. Ukoliko se igrač povuče iz sporta prije početka postupka vođenja rezultata, anti-doping organizacija koja bi imala jurisdikciju za vođenje rezultata nad igračem u vrijeme kad je igrač povredio anti-doping pravilo, ima jurisdikciju da provede vođenje rezultata.

IX. PRIVREMENA SUSPENZIJA

Nadležnost

Član 33.

1. Kad se potvrdi tvrdnja da je prekršeno neko anti-doping pravilo u vezi sa bilo kojim testom koji je proveo NS/FS BiH, predsjedavajući Disciplinskog komiteta NS/FS BiH biće zadužen za izricanje relevantne privremene suspenzije.
2. Za potrebe ovog poglavlja, spominjanje predsjedavajućeg Disciplinskog komiteta NS/FS BiH će, gdje god je prikladno, biti shvaćeno kao relevantna osoba ili tijelo asocijacije, a spominjanje igrača će, gdje god je prikladno, biti shvaćeno kao bilo koji član pomoćnog sportskog osoblja ili neka druga osoba.

Obavezna privremena suspenzija nakon nepovoljnog nalaza analize "A" uzorka

Član 33.

U slučaju nepovoljnog nalaza analize uzorka „A“ u pogledu prisustva zabranjene supstance koja nije specificirana supstanca, neodložno se izriče privremena suspenzija nakon izvršenog pregleda i obavještenja opisanog u članu 29. Predsjedavajući Disciplinskog komiteta NS/FS BiH nije dužan saslušati igrača.

Opcijska privremena suspenzija nakon nepovoljnog nalaza analize „A” uzorka na specificirane supstance ili drugih povreda anti-doping pravila

Član 34.

U slučaju nepovoljnog nalaza analize uzorka „A” u pogledu specificirane supstance ili drugih povreda anti-doping pravila, može biti izrečena privremena suspenzija. Predsjedavajući Disciplinskog komiteta NS/FS BiH nije dužan saslušati igrača.

Dobrovoljna suspenzija

Član 35.

1. Alternativno, igrač može prihvatiti dobrovoljnu suspenziju pod uslovom da to potvrdi u pisanoj formi predsjedavajućem Disciplinskog komiteta NS/FS BiH.
2. Dobrovoljna suspenzija će biti na snazi tek od datuma primitka igračeve pisane potvrde o tome u NS/FS BiH. Stoga je predmetna asocijacija dužna hitno dostaviti kopiju igračevog dobrovoljnog pristanka na privremenu suspenziju ukoliko je takva potvrda adresirana na relevantnu osobu ili tijelo asocijacije.

Obavještanje

Član 36.

1. Igrač koji je privremeno suspendovan biće smjesta obaviješten o tome kako je propisano Disciplinskim pravilnikom NS/FS BiH.
2. O svakom slučaju kada asocijacija izrekne ili odbije da izrekne privremenu suspenziju ili igrač prihvati dobrovoljnu suspenziju, asocijacija je dužna o toj činjenici odmah obavijestiti Disciplinski komitet NS/FS BiH.

Povlačenje suspenzije

Član 37.

1. Ukoliko je bila izrečena privremena suspenzija na osnovu nepovoljnog nalaza analize uzorka „A”, a kasnija analiza uzorka „B” nije potvrdila analizu uzorka „A”, tada igrač neće biti predmet nikakve dalje privremene suspenzije po osnovu povreda člana 5.
2. U slučaju kad su igrač ili tim eliminisani iz takmičenja zbog kršenja člana 5, a kasnija analiza uzorka „B” ne potvrdi analizu uzorka „A”, a kad je, bez

posljedica po takmičenje, još uvijek moguće da igrač ili njegov tim budu vraćeni u takmičenje, igrač ili tim mogu nastaviti učestvovati u predmetnom takmičenju.

X. PRAVEDNO SASLUŠANJE

Nadležnost

Član 38.

1. Kad se iznese tvrdnja da je prekršeno neko anti-doping pravilo u vezi sa bilo kojim testom koji je proveo NS/FS BiH, taj slučaj će biti podnesen Disciplinskom komitetu NS/FS BiH, a u svim ostalim slučajevima nadležnom organu igračeve asocijacije ili asocijacije druge osobe za koju se tvrdi da je povrijedila anti/doping pravilo.
2. Disciplinski komitet NS/FS BiH će odlučiti o odgovarajućim sankcijama u skladu sa Pravilnikom o anti-dopingu NS/FS BiH i Disciplinskim pravilnikom NS/FS BiH.
3. U slučaju igrača kojeg je testirao NS/FS BiH, NS/FS BiH ima ekskluzivno pravo da objavi rezultate testa i relevantne mjere u vezi istog.
4. Za potrebe poglavlja X i XI, spominjanje Disciplinskog komiteta NS/FS BiH će, gdje god je prikladno, biti shvaćeno kao relevantni organ asocijacije, a spominjanje igrača će, gdje god je prikladno, biti shvaćeno kao bilo koji član pomoćnog sportskog osoblja ili neka druga osoba.

Pravo na pravedno saslušanje

Član 39.

Svaki privremeno suspendovani igrač ili igrač koji je prihvatio dobrovoljnu supenziju imaće pravo da traži saslušanje pred Disciplinskim komitetom NS/FS BiH prije izricanja bilo kakve definitivne sankcije u skladu sa Pravilnikom o anti-dopingu i Disciplinskim pravilnikom NS/FS BiH.

Principi za vođenje pretresa

Član 40.

Disciplinski komitet NS/FS BiH će biti pravedan i nepristrasan, a pretresni postupak će poštovati sljedeća igračeva prava:

- a) pravo na pravnu pomoć i prevodioca na trošak igrača;

- b) pravo da bude informisan na pošten i pravovremen način o tvrdnji da je povrijedio neko anti-doping pravilo;
- c) pravo da odgovori na tvrdnju o povredi anti-doping pravila i posljedicama koje su rezultat iste;
- d) pravo prezentiranja dokaza, uključujući pravo da poziva i ispituje svjedoke;
- e) pravo na pravovremenu, pisanu i obrazloženu odluku, u kojoj se konkretno objašnjava/ju razlog/zi za određivanje perioda u kojem igrač nema pravo nastupa.

Razmatranja Disciplinskog komiteta NS/FS BiH

Član 41.

1. Disciplinski komitet NS/FS BiH će na pretresu prvo razmatrati da li je počinjen neki anti-doping prekršaj.
2. Ako nakon zahtjeva koji mu je upućen u razumnom vremenu prije pretresa da se pojavi na pretresu (bilo lično ili telefonski, kako naloži Disciplinski komitet NS/FS BiH) i da odgovara na pitanja Disciplinskog komiteta NS/FS BiH, igrač odbije da se pojavi na pretresu, Disciplinski komitet NS/FS BiH može na osnovu toga izvući negativan zaključak o igraču za kojeg se tvrdi da je povrijedio pravila anti-dopinga.
3. Ukoliko Disciplinski komitet NS/FS BiH smatra da je prekršeno anti-doping pravilo isti će razmotriti odgovarajuće mjere primjenjive po osnovu članova 43 i 44 prije izricanja bilo kojeg perioda zabrane igranja. Igrač će imati priliku da pokaže da u njegovom slučaju postoje specifične ili izuzetne okolnosti koje opravdavaju smanjenje sankcije koja bi inače bila izrečena.
4. Kad nema pretresa, Disciplinski komitet NS/FS BiH će razmatrati da li je prekršeno anti-doping pravilo te, ako jeste, koje mjere treba poduzeti na osnovu sadržaja dosjea predmeta, i donijeti obrazloženu odluku u kojoj pojašnjava poduzete akcije.

Postupak tokom takmičenja

Član 42.

Ako je u toku takmičenje, predsjedavajući Disciplinskog komiteta NS/FS BiH može ubrzati postupak. On može sam provesti pretres ili poduzeti druge mjere po svom nahođenju, posebno kada rješenje o povredi anti-doping pravila može uticati na učešće igrača u takmičenju.

XI. SANKCIJE KOJE SE IZRIČU POJEDINCIMA

Izricanje zabrane zbog upotrebe nedozvoljenih supstanci i nedozvoljenih metoda

Član 43.

Period zabrane igranja izrečen zbog kršenja člana 5, 6 ili 10 trajaće dvije godine izuzev ako su ispunjeni uslovi za ukidanje ili smanjenje perioda zabrane kako je propisano članovima 47 do 50, ili uslovi za povećanje perioda zabrane kako predviđa član 51.

Izricanje zabrane zbog povrede ostalih anti-doping pravila

Član 44.

Trajanje zabrane zbog povreda anti-doping pravila koja ne potpadaju pod član 43 je kako slijedi:

1. Za kršenje člana 7 ili 9, trajanje zabrane će biti dvije godine, osim ako su ispunjeni uslovi iz članova 47, stav 2 do člana 50, ili uslovi iz člana 51.
2. Za kršenje člana 11 ili 12, trajanje zabrane će biti najmanje četiri godine pa do doživotne zabrane, osim ako su ispunjeni uslovi iz članova 47, stav 2 do člana 50.

Povrede anti-doping pravila koje involviraju maloljetno lice smatraće se naročito teškim povredama i, ukoliko ih je počinio član pomoćnog sportskog osoblja a te povrede se ne odnose na specificirane supstance iz člana 16, rezultat će biti izricanje doživotne zabrane vršenja dužnosti člana pomoćnog sportskog osoblja.

Pored toga, ozbiljna kršenja člana 11 i 12 kojima se mogu kršiti i nesportski zakoni i propisi, biće prijavljena nadležnim upravnim, stručnim ili sudskim vlastima.

3. Za kršenje člana 8, trajanje zabrane će biti najmanje jedna a najviše dvije godine, zavisno od stepena igračeve krivice.

Ukidanje ili smanjenje perioda trajanja zabrane na osnovu specifičnih ili izuzetnih okolnosti

Član 45.

1. Kada igrač može dokazati kako je specificirana supstanca dospjela u njegov organizam ili u njegov posjed i da nije postojala namjera da ta specificirana supstanca poboljša igračeve sportske performanse ili maskira upotrebu neke supstance koja poboljšava performanse, zabrane izrečene u skladu sa članom 45 biće zamijenjene kako slijedi: najmanje opomenom, bez zabrane učestvovanja na budućim takmičenjima, a najviše, s dvije godine zabrane.

Da bi opravdao ukidanje ili smanjenje zabrane, pored svoje riječi, igrač mora podastrijeti jak dokaz kojim dokazuje do nivoa koji zadovoljava Disciplinski komitet NS/FS BiH nepostojanje najmere da poboljša svoje sportske performanse ili maskira upotrebu neke supstance koja poboljšava performanse. Kriterij koji će se uzimati u obzir prilikom odlučivanja o smanjenju trajanja zabrane biće stepen igračeve krivice

2. Ukoliko u nekom pojedinačnom slučaju igrač dokaže da nije bilo njegove krivice niti nemara, period trajanja zabrane koji se inače izriče, biće ukinut. Kada se u igračevom uzorku otkrije zabranjena supstanca ili njeni markeri ili metaboliti, čime se krši član 5, da bi zabrana bila ukinuta igrač je dužan dokazati i kako je ta zabranjena supstanca dospjela u njegov organizam.

U slučaju kad se primjenjuje ovaj član, a period zabrane koji bi inače važio bude ukinut, povreda anti-doping pravila se neće smatrati povredom za ograničene svrhe određivanja perioda zabrane za višestruke povrede iz člana 52.

3. Ukoliko u nekom pojedinačnom slučaju igrač dokaže da ne postoji značajna krivica ili nemar, period trajanja zabrane koji se inače izriče, može biti smanjen, ali smanjeni period zabrane ne smije biti manji od jedne polovice perioda trajanja zabrane koja se inače izriče. Ukoliko je period trajanja zabrane koja se inače izriče doživotna zabrana, smanjeni period iz ovog člana ne može biti manji od osam godina.

Kada se u igračevom uzorku otkrije zabranjena supstanca ili njeni markeri ili metaboliti, čime se krši član 5, da bi period zabrane bio smanjen igrač je dužan dokazati i kako je ta zabranjena supstanca dospjela u njegov organizam.

4. Sve odluke donesene na osnovu Pravilnika o anti-doping u pogledu specifičnih ili izuzetnih okolnosti moraju biti usklađene tako da se svim igračima mogu garantovati isti pravni uslovi. Zato će se primjenjivati sljedeće smjernice:

- a) Specifične ili izuzetne okolnosti će postojati samo u slučajevima kada su te okolnosti zaista izuzetne, a ne u velikoj većini slučajeva;
- b) Razmatrani dokaz mora biti specifičan i odlučujući za objašnjenje zašto je igrač odstupio od očekivanog standarda ponašanja;
- c) Uzimajući u obzir igračevu ličnu obavezu da osigura da u tkiva ili tekućine njegovog organizma ne dospiju zabranjene supstance sankcija ne može biti potpuno ukinuta na osnovu gornje situacije u sljedećim okolnostima: test je pozitivan jer je došlo do pogrešno etiketiranog (označenog) vitamina ili dodatka prehrani, timski ljekar ili trener je igraču bez njegovog znanja dao zabranjenu supstancu, igračevu hranu ili piće sabotirao je njegov supružnik, trener ili drugo lice iz igračevog okruženja. Međutim, zavisno od jedinstvenih činjenica konkretnog slučaja, bilo koja od gornjih okolnosti može za rezultat imati smanjenje sankcije.
- d) Maloljetna lica nemaju specijalan tretman sam po sebi kod određivanja važeće sankcije, ali mladost i neiskustvo su relevantni faktori koji se ocjenjuju prilikom određivanja krivice igrača ili druge osobe.

Značajna pomoć u otkrivanju ili utvrđivanju povreda anti-doping pravila

Član 46.

1. Prije konačne odluke o žalbi iz poglavlja XIII ili isteka roka za žalbu, Disciplinski komitet NS/FS BiH može suspendovati jedan dio perioda trajanja zabrane koja je izrečena u pojedinačnom slučaju kada je igrač NS/FS BiH, asocijaciji, drugoj anti-doping organizaciji, krivičnoj vlasti ili disciplinskom tijelu pružio značajnu pomoć koja je kod NS/FS BiH, asocijacije, druge anti-doping organizacije, krivične vlasti ili disciplinskog tijela, rezultirala otkrivanjem ili dokazivanjem povreda anti-doping pravila od strane drugog lica ili time da je krivična ili disciplinska vlast otkrila ili dokazala krivično djelo ili povrede profesionalnih pravila od strane druge osobe.
2. Nivo do kojeg se inače važeći period zabrane može suspendovati zasnivaće se na težini anti-doping povrede koju je počinio igrač i značaju pomoći koju je igrač pružio u naporima da se eliminiše doping u sportu. Ne može biti suspendovano više od tri četvrtine perioda trajanja zabrane koji se inače izriče. Ukoliko je period trajanja zabrane koji se inače izriče doživotna zabrana, nesuspendovani period iz ovog člana ne može biti manji od osam godina.
3. Ako Disciplinski komitet NS/FS BiH suspenduje neki dio inače primjenjivog perioda trajanja zabrane iz ovog člana, isti će odmah pripremiti pisano obrazloženje svoje odluke za svaku anti-doping organizaciju koja ima pravo žalbe na predmetnu odluku.

4. Ako Disciplinski komitet NS/FS BiH naknadno reaktivira neki dio perioda zabrane zato što igrač nije pružio značajnu pomoć koja se očekivala, igrač se može žaliti na reaktiviranje kazne u skladu sa poglavljem XIII.

Priznanje o povredi anti-doping pravila u odsutnosti drugog dokaza

Član 47.

Kada igrač dobrovoljno prizna da je povrijedio anti-doping pravilo, prije nego i primi obavještenje o uzimanju uzorka koje bi moglo dokazati povredu anti-doping pravila ili, u slučaju povrede anti doping pravila koja ne potpadaju pod član 5, prije primitka prvog obavještenja o priznanju povrede u skladu sa poglavljem VIII, a to priznanje predstavlja jedini pouzdan dokaz povrede u vrijeme priznanja, tada period trajanja zabrane može biti smanjen, ali ne ispod jedne polovice inače primjenjivog perioda trajanja zabrane.

Smanjenje kazne kad je u pitanju više odredaba

Član 48.

1. Prije ikakvog smanjenja ili ukidanja perioda trajanja zabrane iz člana 47, stav 3, člana 48 ili 49, inače primjenjivi period trajanja zabrane biće određen u skladu sa članovima 45, 46, 47, stav 1 i člana 51.
2. Ukoliko igrač dokaže pravo da mu se smanji period trajanja zabrane ili ista ukine po dvije ili više odredaba člana 47, stav 3, člana 48 ili 49, tada period trajanja zabrane može biti smanjen ili zabrana suspendovana, ali ne ispod jedne četvrtine inače primjenjivog perioda trajanja zabrane.

Otežavajuće okolnosti koje mogu dovesti do izricanja duže zabrane

Član 49.

1. Ukoliko NS/FS BiH u nekom pojedinačnom slučaju povrede anti-doping pravila koje ne potpada pod povrede iz člana 11 i 12, dokaže da postoje otežavajuće okolnosti koje opravdavaju izricanje duže zabrane od standardne zabrane, tada će inače primjenjivi period trajanja zabrane biti povećan maksimalno do četiri godine, izuzev ako igrač može dokazati do nivoa koji zadovoljava Disciplinski komitet NS/FS BiH, da nije svjesno povrijedio anti-doping pravilo.
2. Igrač može izbjeći primjenu ovog člana ako prizna da je povrijedio anti-doping pravilo kako je potvrdio odmah nakon što ga je NS/FS BiH suočio sa povredom anti-doping pravila.

Višestruke povrede

Član 52.

1. Druga povreda anti-doping pravila

Za slučajeve kad igrač prvi put prekrši anti-doping pravilo, period zabrane propisan je članom 45 i 46. Za slučajeve kad igrač drugi put prekrši anti-doping pravilo, period zabrane kretaće su u okviru ove tabele:

	RS	FFMT	NSF	St	AS	TRA
Prva povreda						
Druga povreda						
RS	1-4	2-4	2-4	4-6	8-20	10-dož.
FFMT	1-4	4-8	4-8	6-8	10-dož.	doživ.
NSF	1-4	4-8	4-8	6-8	10-dož.	doživ.
St	2-4	6-8	6-8	8- dož.	doživ.	doživ.
AS	4-5	10-dož.	10-dož.	doživ.	doživ.	doživ.
TRA	8- dož.	doživ.	doživ.	doživotno	doživ.	doživ.

Definicije za potrebe tabele za drugu povredu anti-doping pravila:

RS (sankcija smanjena zbog specificirane supstance iz člana 47, stav 1)

Povreda anti-doping pravila koja je dovela ili je trebala dovesti do smanjene sankcije iz člana 47, stav 1 jer se radilo o specificiranoj supstanci, a bili su ispunjeni drugi uslovi iz člana 47, stav 1.

FFMT (neostavljanje podataka ili nedolazak na testiranje)

Povreda anti-doping pravila koja je bila ili je trebala biti sankcionisana u skladu sa članom 46, stav 3.

NSF (sankcija smanjena zbog krivice ili nemara koji nije značajan)

Povreda anti-doping pravila koja je dovela ili je trebala dovesti do smanjene sankcije iz člana 47, stav 3 jer igraču nije dokazana značajna krivica ili nemar iz člana 47, stav 3.

St (standardna sankcija iz člana 45 ili 46, stav 1)

Povreda anti-doping pravila je bila ili je trebala biti sankcionisana standardnom sankcijom u skladu sa članom 51 jer je NS/FS BiH utvrdio uslove propisane članom 51.

AS (otežana sankcija)

Povreda anti-doping pravila je bila ili je trebala biti sankcionisana otežanom sankcijom u skladu sa članom 51 jer je NS/FS BiH utvrdio uslove propisane članom 51.

TRA (promet ili pokušaj prometa i uzimanje ili pokušaj uzimanja)

Povreda anti-doping pravila je bila ili je trebala biti sankcionisana u skladu sa članom 46, stav 2.

2. Primjena člana 48 i 49 u slučaju druge povrede anti-doping pravila

Kada igrač koji po drugi put prekrši anti-doping pravilo dokaže pravo na ukidanje ili smanjenje dijela perioda zabrane iz člana 48 ili 49, Disciplinski komitet NS/FS BiH će prvo odrediti inače primjenjivi period zabrane u rasponu koji je utvrđen u tabeli iz člana 52, stav 1, a onda primijeniti odgovarajuće ukidanje ili smanjenje perioda trajanja zabrane. Preostali dio trajanja zabrane, nakon što se primijeni ukidanje ili smanjenje trajanja zabrane iz člana 48 ili 49, mora trajati najmanje jednu četvrtinu inače primjenjivog perioda zabrane.

3. Primjena na specifične prethodne povrede

Za potrebe primjene člana 52 stav 1, povreda anti-doping pravila do koje je došlo prije stupanja na snagu ovog pravilnika, a u pitanju je supstanca koja je kategorizovana kao specificirana supstanca u skladu s ovim pravilnikom, i period izrečene zabrane je bio manji od dvije godine, za prethodnu povredu će se smatrati da je dovela do smanjene sankcije (RS).

4. Treći povreda anti-doping pravila

Treća povreda anti-doping pravila uvijek povlači doživotnu zabranu, izuzev ukoliko je treća povreda ispunila uslov za ukidanje ili smanjenje perioda zabrane iz člana 47, stav 1 ili uključuje kršenje člana 8. U ovim konkretnim slučajevima, period zabrane će se kretati od osam godina do doživotne zabrane.

5. Dodatna pravila za određene potencijalne višestruke povrede

Za potrebe izricanja sankcija u skladu s ovim članom, povreda anti-doping pravila će se smatrati drugom povredom ako NS/FS BiH može utvrditi da je igrač napravio drugu povredu anti-doping pravila nakon što je primio obavještenje u skladu sa poglavljem VIII o prvoj povredi anti-doping pravila, ili nakon što je NS/FS BiH uložio razumne napore da dostavi to obavještenje. Ukoliko NS/FS BiH to ne može dokazati, te povrede će se zajedno smatrati da su jedna prva povreda, a izrečena sankcija će se zasnivati na onoj povredi koji povlači težu sankciju; ipak, višestruke povrede mogu se smatrati faktorom kod određivanja otežavajućih okolnosti

6. Dodatna pravila za ranije počinjene, ali naknadno otkrivene povrede anti-doping pravila

Ako nakon što se utvrdi prvi povreda anti-doping pravila, NS/FS BiH otkrije činjenice prema kojima je igrač povrijedio neko anti-doping pravilo prije obavještenja o prvoj povredi, u tom slučaju će NS/FS BiH izreći dodatnu sankciju zasnovanu na sankciji koja je mogla biti izrečena da se o te dvije povrede odlučivalo istovremeno. Da bi se izbjegla mogućnost utvrđivanja otežavajućih okolnosti zbog, vremenski gledano, ranije počinjene, ali kasnije otkrivene povrede, igrač mora pravovremeno dobrovoljno priznati raniju povredu anti-doping pravila nakon obavještenja o povredi za koju se prvo tereti. Isto pravilo će važiti i kada NS/FS BiH otkrije činjenice koje uključuju još jednu prethodnu povredu nakon što je utvrđena druga povreda anti-doping pravila.

7. Višestruka povreda anti-doping pravila tokom osmogodišnjeg perioda

Za potrebe ovog člana, svaka povreda anti-doping pravila mora se dogoditi u okviru istog osmogodišnjeg perioda da bi se to smatralo višestrukim povredama.

Početak perioda zabrane

Član 50.

1. Izuzev kako je dole propisano, period trajanja zabrane počinje teći čim odluka o zabrani bude saopštena predmetnom igraču. Period eventualne privremene suspenzije igrača (bilo izrečene ili dobrovoljno prihvaćene) biće uračunat u ukupni period trajanja izrečene zabrane.

2. U slučaju značajnih kašnjenja pretresnog postupka ili drugih aspekata doping kontrole koji se ne mogu pripisati igraču, Disciplinski komitet NS/FS BiH može početi s periodom zabrane na neki raniji datum koji počinje već na datum uzimanja uzorka ili datum na koji je počinjena druga povreda anti-doping pravila.
3. Kada igrač promptno (što u svakom slučaju za igrača znači prije nego se ponovno takmiči) prizna povredu anti-doping pravila nakon što ga NS/FS BiH suoči sa povredom anti-doping pravila, period trajanja zabrane može početi već na datum uzimanja uzorka ili s datumom na koji je počinjena druga povreda anti-doping pravila. Međutim, u svakom slučaju kad se primjenjuje ovaj član, igrač mora odslužiti najmanje jednu polovinu perioda trajanja zabrane polazeći od datuma kad je igrač prihvatio sankciju, datuma na koji je saznao za odluku kojom se izriče sankcija, ili datuma na koji je na neki drugi način izrečena sankcija.
4. Ukoliko je izrečena privremena suspenzija, a igrač je ispoštuje, tada će igraču biti priznat taj period privremene suspenzije i isti će biti uračunat u period trajanja zabrane koja može biti na kraju izrečena.
5. Ukoliko igrač dobrovoljno prihvati privremenu suspenziju NS/FS BiH u pisanom obliku i nakon toga se uzdrži od takmičenja, igraču će biti priznat taj period dobrovoljne privremene suspenzije i uračunat u period trajanja zabrane koja može biti izrečena na kraju. Primjerak igračevog dobrovoljnog prihvatanja privremene suspenzije biće promptno dostavljen svakoj strani koja ima pravo da primi obavještenje o potencijalnoj povredi anti-doping pravila.
6. Bilo koji period prije efektivnog datuma privremene suspenzije ili dobrovoljne privremene suspenzije neće biti uračunat u konačnu kaznu, neovisno od toga da li je igrač sam izabrao da se ne takmiči ili ga je suspendovao njegov klub ili asocijacija.

Status tokom zabrane

Član 51.

1. Zabrana učešća tokom trajanja nepodobnosti

Nijedan igrač koji je proglašen nepodobnim za nastupanje ne smije tokom perioda zabrane učestvovati ni u kojem svojstvu u nekom takmičenju ili aktivnosti (osim autorizovanih anti-doping edukacija ili rehabilitacijskih programa) koje je autorizovao ili organizovao NS/FS BiH ili asocijacija, klub ili druga organizacija članica asocijacije, Olimpijski komitet, asocijacije njihove članice.

Bez obzira na gore navedeno, igrač može prije isteka perioda zabrane početi ponovo trenirati ili se baviti drugim aktivnostima koje nisu vezane za takmičenje koja njegov tim organizuje, pod uslovom da ta zabrana prevazilazi šest mjeseci.

Datum na koji se igrač može ponovo baviti navedenim aktivnostima zavisi od dužine zabrane, kako je propisano u narednoj tabeli:

Period trajanja zabrane	Broj mjeseci prije isteka zabrane tokom kojih se može odvijati trening ili aktivnosti koje nisu u vezi sa takmičenjem
Manje od šest mjeseci	Nula mjeseci
Šest do devet mjeseci	Jedan mjesec
Deset mjeseci do jedne godine	Dva mjeseca
Godina ili više	Tri mjeseca

2. Dodatna pravila u slučaju perioda trajanja zabrane dužeg od četiri godine

Igrač kojem je izrečen period zabrane duži od četiri godine može, nakon što odsluži četiri godine zabrane, učestvovati u lokalnim sportskim takmičenjima u nekom sportu koji nije isti sport u kojem je povrijedio anti-doping pravilo, ali samo ukoliko to lokalno sportsko takmičenje nije na nivou na kojem bi se igrač ili druga osoba inače mogla kvalifikovati direktno ili indirektno za takmičenje u (ili akumulirati kvalifikacione bodove) državnom prvenstvu ili međunarodnom takmičenju. Igrač kojem je izrečena zabrana i dalje ostaje predmet testiranja.

3. Kršenje zabrane učešća tokom nepodobnosti

Kad igrač koji je proglašen nepodobnim za nastupanje prekrši zabranu da učestvuje tokom nepodobnosti opisane u članu 54, stav 1, period trajanja zabrane koji je prvobitno izrečen počće teći iznova od datuma povrede.

Novi period zabrane može biti smanjen u skladu sa članom 47, stav 3 ukoliko igrač dokaže da nije bilo njegove značajne krivice ili nemara za kršenje zabrane učešća. Odluku o tome da li je igrač prekršio zabranu učešća i da li je smanjenje zabrane u skladu sa članom 47, stav 3 bilo odgovarajuće, donosi anti-doping organizacija čije vođenje rezultata analiza je dovelo do izricanja inicijalnog perioda zabrane.

4. Zadržavanje finansijske podrške tokom zabrane

Pored toga, za povredu anti-doping pravila koja ne uključuje smanjenu sankciju za specificirane supstance opisane u članu 47, stav 1, neki dio ili kompletnu sportsku finansijsku podršku ili druge sportske beneficije koje prima taj igrač, zadržaće NS/FS, članice NS/FS BiH i njihove članice.

Testiranje prije vraćanja prava igranja

Član 52.

1. Kao uslov za vraćanje podobnosti na kraju specificiranog perioda nepodobnosti, igrač je dužan, tokom bilo kojeg perioda privremene suspenzije ili nepodobnosti, biti na raspolaganju za testiranje izvan takmičenja bilo kojoj anti-doping organizaciji koja je nadležna za testiranje, te je dužan dostaviti tačne informacije o svom aktuelnom boravištu.
2. Ukoliko se igrač koji proglašen nepodobnim povuče iz sporta, bude izbrisan iz grupa za testiranje izvan takmičenja, a kasnije zatraži reaktiviranje u sportu, taj igrač neće imati pravo da se vrati u sport dok o tome ne obavijesti NS/FS BiH i predmetnu asocijaciju i ne prođe testiranje izvan takmičenja za vremenski period koji je jednak periodu nepodobnosti koji je ostao neodslužen na datum kad se povukao iz sporta.

Izricanje novčanih kazni

Član 53.

U skladu sa Disciplinskim pravilnikom NS/FS BiH, za povrede anti- dopinga pravila mogu biti izrečene i finansijske kazne. Međutim, nikakva finansijska sankcija ne smije se smatrati osnovom za smanjenje trajanja nepodobnosti ili druge sankcije koja bi inače bila izrečena u skladu sa Pravilnikom o anti-dopingu NS/FS BiH.

Vraćanje novčane nagrade ili druge vrste finansijske podrške

Član 54.

1. Kao uslov za povrat podobnosti nakon povrede anti-doping pravila, igrač je dužan da vrati sve novčane nagrade ili drugu finansijsku podršku koju je primio od sportskih organizacija, a od datuma na koji je uzet pozitivni uzorak ili prekršeno drugo anti-doping pravilo, pa do početka privremene suspenzije ili perioda nepodobnosti.
2. Vraćene novčane nagrade biće usmjerene u pokrivanje troškova uzimanja uzorka i vođenje rezultata u tom predmetu.

XII. POSLJEDICE ZA TIMOVE

Ciljano testiranje tima

Član 55.

Kada više od jednog člana tima dobije obavještenje o povredi anti- doping pravila u skladu sa poglavljem VIII u vezi sa takmičenjem, takmičarsko tijelo koje donosi odluke provešće odgovarajuće ciljano testiranje tima tokom takmičarskog perioda.

Kazna za klub ili asocijaciju

Član 56.

1. Kada se nađe da je više od jednog člana tima prekršilo neko anti-doping pravilo u toku trajanja takmičenja, Disciplinski komitet NS/FS BiH, ukoliko je takmičarsko tijelo NS/FS BiH koje donosi odluke, a inače predmetna asocijacija, izreći će odgovarajuću sankciju asocijaciji ili klubu kojem pripadaju ti članovi tima, pored posljedica izrečenih pojedinačnom igraču/ima koji je/su povrijedio/li anti-doping pravilo.
2. Važiće sljedeće sankcije:
 - a) oduzimanje bodova;
 - b) gubljenje utakmice službenim rezultatom;
 - c) isključenje tima iz konačnog poretka u nekom finalnom takmičenju;
 - d) novčana kazna.

XIII. ŽALBE

Odluke na koje se ulaže žalba

Član 57.

1. Na sve odluke u vezi povreda anti-doping pravila i u vezi posljedica proizašlih iz Pravilnika o anti-doping u NS/FS BiH moguće je uložiti žalbu kako je propisano donjim članovima 58 do 60, kao i Disciplinskim pravilnikom NS/FS BiH.

Na sve odluke kojima je odobreno ili odbijeno izdavanje TUE-a moguće je uložiti žalbu kao što je propisano članom 62.
2. Takve odluke ostaju na snazi dok traje žalbeni postupak, osim kad žalbeno tijelo odluči drugačije.

3. Nakon što se iscrpe svi interni kanali, moguće se obratiti Sportskom arbitražnom sudu.

Interni pravni lijekovi

Član 58.

Na odluke Disciplinskog komiteta NS/FS BiH može se uložiti žalba Apelacionoj komisiji NS/FS BiH u skladu sa Disciplinskim pravilnikom NS/FS BiH.

Žalbe na odluke donesene na državnom nivou

Član 59.

1. U slučajevima koji proisteknu iz državnog takmičenja ili slučajevima u koje su involvirani igrači državnog ranga, kako definiše svaka članica pojedinačno, a za koje ne postoji pravo na žalbu u skladu sa članom 60, žalba na odluku može se podnijeti nezavisnom nepristrasnom tijelu u skladu s pravilima koja je utvrdila predmetna asocijacija i u skladu sa odredbama Statuta NS/FS BiH.

2. Pravila za takvu žalbu moraju poštovati sljedeće principe:

- a) pravovremeno saslušanje, ako je traženo;
- b) pravedan, nepristrasan i nezavisni pretresni panel;
- c) pravo na zastupanje od strane advokata na trošak samog igrača;
- d) pravovremena, pisana i obrazložena odluka.

Žalbe na odluke donesene na međunarodnom nivou

Član 60.

U slučajevima koji proizilaze iz učešća u međunarodnom takmičenju ili u slučajevima u koje su uključeni igrači međunarodnog ranga, primjenjuju se odredbe FIFA Pravilnika o anti-doping.

XIV. POVJERLJIVOST I IZVJEŠTAVANJE

Informacije o potencijalnim povredama anti-doping pravila

Član 61.

1. Igrač ili drugo lice biće obavještavani kako je predviđeno u poglavlju VIII.
2. Anti-doping organizacija odgovorna za vođenje rezultata dužna je obavijestiti igračev klub, najkasnije do početka postupka opisanog u članovima 27, 28 i 30.
3. Obavještenje mora sadržavati ime igrača, klub, nivo na kojem se igrač takmiči, da li je test rađen tokom takmičenja ili izvan takmičenja, datum uzimanja uzorka, te rezultat analiza koji je dostavila laboratorija.
4. Ista lica ili anti-doping organizacije će biti redovno obavještavani o statusu i nalazima eventualnih revizija ili postupaka provedenih u skladu sa poglavljima VIII, IX, X ili XIII i promptno će im biti dostavljana pisana obrazložena pojašnjenja ili odluke kojima se objašnjava zašto je neko pitanje riješeno kao u dispozitivu.
5. U skladu sa članom 38, NS/FS BiH će biti obavještavana o odlukama pretresnog panela kako je predviđeno u poglavljima X i XIII.
6. Primaoci odluka ne smiju otkrivati informacije nikome izvan kruga osoba koje treba da znaju te informacije (što bi uključivalo odgovarajuće osoblje relevantnog Nacionalnog olimpijskog komiteta, asocijacije i kluba) sve dok NS/FS BiH, u skladu s njihovom odgovornošću za vođenje rezultata, ne obznanе te informacije ili ih zadrže povjerljivim kako je propisano članom 63.
7. Anti-doping organizacija koja proglasi, ili primi obavještenje o nepoštivanju obaveza igrača u vezi dostavljanja adrese boravišta ne smije tu informaciju otkrivati osobama izvan kruga osoba koje treba to da znaju izuzev ako se zaključi da je igrač povrijedio anti-doping pravilo iz člana 8 na osnovu nepoštivanja obaveze igrača u vezi dostavljanja adrese boravišta. Osobe koje trebaju znati tu informaciju takođe su dužne da je drže u povjerenju do istog vremenskog trenutka.

Javno otkrivanje

Član 62.

1. Nijedna anti-doping organizacija niti laboratorija koju je akreditovala WADA, ili dužnosnik neke od njih, ne smije javno komentarisati specifične činjenice nekog slučaja čije je rješavanje u toku (suprotno opštem opisu postupka i nauke) izuzev kao odgovor na javne komentare koji se pripisuju igraču, drugom licu ili njihovim predstavnicima.
2. Tek nakon što je na pretresu u skladu sa poglavljem X utvrđeno da je prekršeno anti-doping pravilo, ili nakon što se neka strana odrekla prava na taj pretres, ili nakon što tvrdnja o počinjenoj povredi anti-doping pravila nije pravovremeno

osporena, NS/FS BiH, može javno otkriti takvu odluku o anti-doping slučaju, uključujući nalaz da je prekršeno anti-doping pravilo, ime igrača, involviranu zabranjenu supstancu ili zabranjeni metod, te posljedice izrečene u skladu sa njihovom politikom informisanja. NS/FS BiH takođe može javno otkriti odluke po žalbama u vezi povreda anti-doping pravila.

3. U slučaju kad se, nakon žalbe, utvrdi da igrač ili drugo lice nije napravilo povredu anti-doping pravila, odluka se može javno objaviti samo uz odobrenje igrača ili drugog lica koje je predmet takve odluke. NS/FS BiH ili dužan je javno objaviti odluku u cjelosti ili u nekoj revidiranoj formi koju može odobriti igrač ili drugo lice.
4. Za potrebe ovog člana, obaveza objavljivanja će se ispuniti najmanje postavljanjem tražene informacije na web-sajt NS/FS BiH.

Informacije o boravištu i testiranju

Član 63.

1. Informacije o aktuelnom boravištu igrača koje je NS/FS BiH identifikovao za svoju IRTP listu biće dostavljene Agenciji za antidoping kontrolu BiH. Te informacije će se cijelo vrijeme čuvati u strogoj tajnosti, korišćiće se isključivo u svrhe planiranja, koordiniranja ili provođenja testiranja i biće uništene nakon što više ne budu služile u te svrhe.
2. NS/FS BiH može svoje članice i njihove članice izvještavati o svim testovima u toku i izvan takmičenja urađenim na igračima s njene IRTP liste. Te informacije će biti dostupne igraču i igračevom klubu.
3. NS/FS BiH će barem jednom godišnje objavljivati generalni statistički izvještaj o svojim anti-doping aktivnostima.

Privatnost podataka

Član 64.

Rukovanje ličnim informacijama koje se odnose na igrače ili treća lica koje se prikupljaju, čuvaju, obrađuju ili objavljuju prilikom vršenja obaveza propisanih Pravilnikom o anti-doping NS/FS BiH mora ispunjavati važeću zaštitu podataka i zakona o čuvanju privatnosti, kao i međunarodni Standard za zaštitu i privatnost ličnih podataka.

XV. ZASTARA

Zastara

Član 65.

Protiv igrača ili drugog lica ne može biti pokrenut nikakav postupak zbog povreda anti-doping pravila predviđenih ovim Pravilnikom o anti-doping u koliko isti nije započet u roku od osam godina od datuma za koji je utvrđeno da je počinjena povreda.

XVI. PRIZNAVANJE

Uzajamno priznavanje

Član 66.

1. NS/FS BiH će priznati i poštivati postupke/procedure koji su predmet prava na žalbu u skladu sa poglavljem XIII, testiranjem, TUE-ima i rezultatima pretresa ili drugim konačnim presudama neke potpisinice Svjetskog anti-doping kodeksa koji su u skladu sa Svjetskim anti-doping kodeksom a nalaze se u nadležnosti takve potpisinice.
2. NS/FS BiH će priznati iste postupke drugih tijela koja nisu prihvatila Svjetski anti-doping kodeks u koliko su pravila takvih tijela inače u skladu sa Svjetskim anti-doping kodeksom.

Priznavanje od strane klubova i članica NS/FS BiH

Član 67.

1. Ukoliko je doping kontrole vršio NS/FS BiH klub ili članica NS/FS BiH u skladu s ovim pravilnikom, svaki klub ili članica NS/FS BiH dužna je priznati rezultate takvih doping kontrola.
2. Ukoliko je doping kontrole vršio NS/FS BiH ili članica u pogledu kršenja ovog pravilnika, svaki klub i članica dužna je priznati takve odluke i preduzeće sve što je potrebno da bi iste imale dejstvo.

XVII. OPŠTA PRAVILA

Adresati

Član 68.

Odluke i drugi dokumenti namijenjeni igračima, klubovima, službenim licima utakmice i dužnosnicima adresiraju se na klubove ili predmetnu članicu NS/FS BiH pod uslovom da isti, bez odlaganja, te dokumente prosljedi predmetnim stranama. U slučaju da dokumenti nisu takođe ili isključivo poslani i predmetnoj strani, smatraće se da su ti dokumenti pravilno dostavljeni krajnjem adresatu četiri dana nakon dostavljanja dokumenata članici.

Forma

Član 69.

1. Odluke koje su poslane faxom smatraće se zakonski obavezujućim. Alternativno, odluke se mogu slati i preporučenom poštom, što će se takođe smatrati zakonski obavezujućim.
2. Dostavljanje odluka elektronskom poštom (e-mail) nije dozvoljeno.
3. U izuzetnim okolnostima, strane mogu biti informisane samo o osnovnom dijelu odluke. Obrazložena odluka mora biti dostavljena u roku od 30 dana. Zakonski rok ne počinje teći sve dok ne bude dostavljena obrazložena odluka.

Tumačenje Pravilnika o anti-dopingu

Član 70.

1. Dodaci ovog Pravilnika se imaju smatrati sastavnim dijelom ovog pravilnika.
2. Razni naslovi i podnaslovi u ovom pravilniku služe samo u svrhu preglednosti istog i neće se smatrati dijelom sadržaja Pravilnika o anti-dopingu niti će ni na koji način uticati na jezik odredaba na koje se poziva.

Dodatni propisi

Član 71.

Pored ovog, primjenjivaće se i Disciplinski pravilnik NS/FS BiH i svi ostali važeći propisi NS/FS BiH.

Predmet primjene: vrijeme

Član 72.

Ovaj Pravilnik se primjenjuje na činjenice koje se jave nakon stupanja na snagu istog. Ovaj Pravilnik se takođe primjenjuje na ranije nastale činjenice ukoliko je ovaj Pravilnik jednako povoljan ili povoljniji za počinioca tih činjenica i ako pravna tijela NS/FS BiH o tim činjenicama odlučuju nakon što ovaj Pravilnik stupi na snagu. Za razliku od toga, pravila koja regulišu proceduru primjenjuju se odmah nakon što ovaj Pravilnik stupi na snagu.

Pitanja koja nisu predviđena Pravilnikom

Član 73.

1. Pitanja koja nisu predviđena ovim Pravilnikom rješavaće se pravosnažnom odlukom relevantnog organizacionog komiteta NS/FS BiH.
2. Pravilnik o anti-dopingu NS/FS BiH će se implementirati i tumačiti u skladu sa Disciplinskim pravilnikom i Statutom NS/FS BiH
3. Eventualni sporovi proistekli iz ili vezani za ovaj Pravilnik rješavaće se u skladu sa jurisdikcijom NS/FS BiH, ovim Pravilnikom, Disciplinskim pravilnikom i Statutom NS/FS BiH

Komitet za normalizaciju NS/FS BiH je usvojio ovaj Pravilnik _____godine., a na snagu stupa _____godine.

Sarajevo, januar 2012.

Za Komitet za normalizaciju NS/FS BiH

Predsjednik

Ivan OSIM

Generalni sekretar

Jasmin BAKOVIĆ

DODACI

DODATAK A

Definicije

Nepovoljan nalaz analize: izvještaj laboratorije ili subjekta kojeg je ovlastila WADA, koji u skladu s Međunarodnim standardom za laboratorije i relevantnim tehničkim dokumentima, u uzorku identifikuje prisustvo neke zabranjene supstance ili njenog metabolita ili markera (uključujući povišene količine endogenih supstanci) ili dokaz o upotrebi zabranjenog metoda.

Anti-doping organizacija: potpisana koja je odgovorna za usvajanje pravila za iniciranje, implementiranje ili provođenje bilo kojeg dijela postupka doping kontrole. Primjeri za anti-doping organizaciju uključuju Međunarodni olimpijski komitet, Međunarodni paralimpijski komitet, ostale organizatore velikih događaja koji provode testiranje na tim događajima, WADA-u, međunarodne federacije i nacionalne anti-doping organizacije.

Pokušaj: namjerno obavljanje aktivnosti koja predstavlja ozbiljan korak ka ponašanju koje će kulminirati u povredu anti-doping pravila. Međutim, neće se smatrati da je počinjena povreda antidoping pravila isključivo na osnovu pokušaja da se počinji povreda kad lice odustane od pokušaja prije nego što ga otkrije treća strana koja ne učestvuje u pokušaju.

Atipični nalaz: izvještaj laboratorije ili drugog subjekta kojeg je ovlastila WADA koji zahtijeva dalju istragu kako propisuju Međunarodni standard za laboratorije i relevantni tehnički dokumenti prije nego se definiše nepovoljan nalaz analize.

CAS: Sud za sportsku arbitražu, Lozana, Švicarska

Lanac čuvanja: niz osoba ili organizacija koje su odgovorne za uzorak od trenutka uzimanja uzorka do prijema istog na analizu.

Pratilac: službeno lice koje je FIFA obučila i ovlastila da vrši određene dužnosti, uključujući nešto ili sve od ovog što slijedi: da prati i opservira igrača izabranog za davanje uzorka do dolaska u prostoriju za doping-kontrolu; i/ili da svjedoči i da potvrdi da je dat uzorak, kada ga završena obuka kvalifikuje za taj zadatak.

Takmičenje: serija fudbalskih utakmica koje vodi jedinstveno upravljačko tijelo (npr. Takmičenja u Premijer ligi, Prvim ligama, turniri i slično. U FIFAinoj službenoj terminologiji termin „Takmičenje” odgovara terminu „Događaj” iz Svjetskog anti-doping kodeksa.

Takmičarski period: vrijeme između početka i kraja nekog takmičenja, kako utvrde pravna tijela određenog takmičenja.

Diskvalifikacija: rezultati tima na određenom takmičenju se poništavaju, sa svim posljedicama toga, uključujući oduzimanje eventualnih medalja, bodova i nagrada.

Doping kontrola: svi koraci i postupci od planiranja rasporeda testiranja do konačne odluke o eventualnim žalbama, uključujući sve korake i postupke između toga, kao što je dostavljanje informacija o boravištu, uzimanje uzoraka i rukovanje istima, laboratorijska analiza, izuzeća za terapijsku upotrebu, vođenje rezultata i pretresi.

Anti-doping jedinica: funkcionalno tijelo na koje Medicinski komitet delegira vođenje i provođenje doping-kontrole.

Službenik za kontrolu dopinga: osoba koja vrši uzimanje uzoraka za NS/FS BiH.

Medicinski komitet: stalni komitet NS/FS BiH, propisan Statutom NS/FS BiH, koji se bavi svim medicinskim aspektima fudbala, uključujući pitanja vezana za doping.

Propisi: Statut, pravilnici, direktive i cirkularna pisma NS/FS BiH kao i Pravila igre koja izdaje Odbor / Bord Međunarodne fudbalske asocijacije.

Doping kontrola u toku takmičenja: doping kontrola koja se provodi na državnim i međunarodnim fudbalskim utakmicama ili takmičenjima (U FIFAinoj službenoj terminologiji termin „Takmičenje” odgovara terminu „Događaj” iz Svjetskog anti-doping kodeksa). „U toku takmičenja” počinje 24 sata prije početka pojedinačne utakmice ili prve utakmice nekog takmičenja i završava 24 sata nakon okončanja uzimanja uzoraka koje se odvija nakon zadnjeg zvižduka na pojedinačnoj utakmici ili finalnoj utakmici takvog takmičenja.

Nepodobnost: suspenzija igrača ili osobe na određeni vremenski period iz učešća u nekom takmičenju ili drugoj aktivnosti ili od primanja sportske finansijske podrške iz poglavlja XI.

Međunarodno takmičenje: takmičenje u kojem je Međunarodni olimpijski komitet, Međunarodni paralimpijski komitet, međunarodna federacija, organizacija za velike događaje, ili druga međunarodna sportska organizacija rukovodeće tijelo tog takmičenja ili koji imenuje tehnička službena lica za takmičenje (U FIFAinoj službenoj terminologiji termin „Međunarodno takmičenje” odgovara terminu „Međunarodni događaj” iz Svjetskog anti-doping kodeksa).

Igrač u međunarodnom rangu: igrač kojeg je FIFA ili konfederacija odredila za registrovanu test grupu FIFAe ili konfederacije.

Međunarodni standard: standard (npr. Međunarodni standard testiranja) koji je usvojila WADA kao podršku Svjetskom anti-doping kodeksu. Za poštivanje nekog Međunarodnog standarda (za razliku od nekog drugog alternativnog standarda, prakse ili procedure) biće dovoljno da se zaključi kako su procedure kojima se bavi Međunarodni standard pravilno provedene. Međunarodni standardi će

obuhvatati i eventualne tehničke dokumente izdate u skladu sa tim međunarodnim standardom.

Organizacije velikih događaja: kontinentalne asocijacije državnih Olimpijskih komiteta i druge međunarodne multisportske organizacije koje funkcionišu kao upravno tijelo za kontinentalna, regionalna ili druga međunarodna takmičenja.

Marker: jedinjenje, grupa jedinjenja ili biološki parametar(ri) koji indicira(ju) upotrebu zabranjene supstance ili zabranjenog metoda.

Utakmica: jedna (pojedinačna) fudbalska utakmica. „Takmičenje” u anti-doping kodeksu odgovara terminu „Utakmica” u službenoj terminologiji NS/FS BiH.

Službena lica utakmice: sudija, pomoćne sudije, četvrti sudija, komesar utakmice, inspektor suđenja, osoba zadužena za bezbjednost, te bilo koja druga osoba koju NS/FS BiH imenuje za neku odgovornost vezano za utakmicu.

Metabolit: bilo koja supstanca proizvedena u procesu biotransformacije.

Maloljetnik: fizičko lice koje nije dostiglo starost da bi se smatralo punoljetnim kako predviđaju važeći zakoni zemlje u kojoj to lice živi.

Nacionalna anti-doping organizacija (NADO): subjekat(ti) koje odredi svaka zemlja kao subjekat(e) koji ima(ju) primarnu nadležnost i odgovornost za usvajanje i implementaciju anti-doping pravila, izdavanje naloga za uzimanje uzoraka, vođenje rezultata analiza, te vođenje pretresa, i sve to na državnom nivou. To obuhvata i subjekat koji više zemalja mogu zadužiti da služi kao regionalna anti-doping organizacija za te zemlje. Ukoliko takvo zaduženje nije došlo od nadležne javne vlasti, taj subjekat će biti nacionalni olimpijski komitet te zemlje ili subjekat koji ovaj odredi, kao što je asocijacija.

Državno takmičenje: sportsko takmičenje u kojem mogu učestvovati igrači u državnom ili međunarodnom rangu ali koje nije međunarodno takmičenje.

Igrač u državnom rangu: igrač kojeg je državna organizacija odredila za člana svoje registrovane test grupe.

Nacionalni olimpijski komitet: organizacija koju je priznao Međunarodni olimpijski komitet. Termin komitet takođe obuhvata Državni sportski savez u onim zemljama u kojima Državni sportski savez preuzima uobičajene odgovornosti Nacionalnog olimpijskog komiteta u oblasti anti-dopinga.

Doping kontrola bez prethodnog obavještenja: doping kontrola koja se provodi bez prethodnog obavještenja igraču i gdje je igrač pod stalnom pratnjom od trenutka obavještanja pa sve do uzimanja uzorka.

Bez krivice ili nemara: kad igrač tvrdi da nije znao niti posumnjao, i da rezonski nije mogao znati ili posumnjati, čak i uz izuzetni oprez, da je koristio ili da mu je data zabranjena supstanca ili zabranjeni metod.

Bez značajne krivice ili nemara: kad igrač tvrdi da njegova krivica ili nemar, sagledani u ukupnim okolnostima i uzimajući u obzir kriterije za tvrdnju bez krivice ili nemara, nije značajna u odnosu na povredu anti-doping pravila.

Dužnosnici: svi, uz izuzetak igrača, koji se bave aktivnošću vezanom za fudbal u asocijaciji ili klubu, neovisno od funkcije, vrste aktivnosti (administrativna, sportska ili druga) i trajanja te aktivnosti, naročito se smatraju dužnosnicima mendažeri, treneri, te pomoćno sportsko osoblje.

Doping kontrola izvan takmičenja: svaka doping kontrola koja se ne odvija tokom nekog takmičenja.

Učesnik: Bilo koji igrač ili član pomoćnog sportskog osoblja.

Igrač: svaka osoba koja učestvuje u fudbalu na međunarodnom nivou (kako je definisala FIFA, uključujući ali ne ograničavajući se na lica u njenoj registrovanoj test grupi), državnom nivou (kako je definisao svaki NADO, uključujući ali ne ograničavajući se na lica u njegovoj registrovanoj test grupi), te bilo koji drugi takmičar u sportu koji bi inače bio predmet jurisdikcije bilo koje potpisnice ili druge sportske organizacije koja prihvata Svjetski anti-doping kodeks. Za potrebe člana 12 i informisanja i edukacije o anti-doping, svaka osoba koja učestvuje u sportu pod nadležnošću bilo koje potpisnice, vlade ili druge sportske organizacije koja prihvata Svjetski anti-doping kodeks je igrač.

Pomoćno sportsko osoblje/Osoblje za podršku igraču: svaki trener, kondicioni trener, menadžer, agent, član osoblja tima, dužnosnik, član medicinskog osoblja, paramedicinskog osoblja, roditelj ili bilo koja druga osoba koja radi s igračem, ili ga tretira ili pomaže igraču koji učestvuje u takmičenju ili se priprema za isto.

Posjedovanje: stvarno fizičko posjedovanje, ili konstruktivno posjedovanje (koje se nalazi samo ukoliko osoba ima isključivu kontrolu nad zabranjenom supstancom ili zabranjenim metodom ili prostorijama u kojima postoji zabranjena supstanca ili zabranjeni metod); pod uslovom, međutim, da ukoliko osoba nema isključivu kontrolu nad zabranjenom supstancom ili zabranjenim metodom ili prostorijama u kojima postoji zabranjena supstanca ili zabranjeni metod, da će se utvrditi konstruktivno posjedovanje samo ako je ta osoba znala za prisustvo zabranjene supstance ili zabranjenog metoda i namjeravala je da ih uzme pod kontrolu. Međutim, pod uslovom da neće biti povreda anti-doping pravila samo na osnovu posjedovanja, ukoliko prije primljenog obavještenja bilo koje vrste da je osoba počinila povredu anti-doping pravila, je ta osoba preduzela konkretnu akciju kojom je pokazala da nikad nije imala namjeru da dođe u posjed i da je odbila da dođe u posjed eksplicitno to izjavljujući anti-doping organizaciji. Bez obzira na bilo šta što je u suprotnosti s ovom definicijom, kupovina (uključujući elektronska ili druga sredstva) zabranjene supstance ili zabranjenog metoda predstavlja posjedovanje od strane osobe koja vrši kupovinu.

Preliminarni pretres: ubrzani skraćeni pretres prije pretresa u skladu sa odredbama Poglavlja X, na osnovu kojeg se igraču šalje obavještenje i pruža prilika da bude saslušan bilo usmeno ili pismeno.

Zabranjena lista: lista koju objavljuje WADA u kojoj su identifikovane zabranjene supstance i zabranjeni metodi.

Zabranjeni metod: svaki metod koji je opisan kao takav u Zabranjenoj listi.

Zabranjena supstanca: svaka supstanca koja je opisana kao takva u Zabranjenoj listi.

Privremena suspenzija: igraču ili drugoj osobi je privremeno zabranjeno da učestvuje u bilo kojem takmičenju prije konačne odluke na pretresu koji se vodi u skladu sa poglavljem X.

Otkriti ili obznaniti u javnosti: davati ili distribuirati informacije široj javnosti ili osobama izvan kruga osoba koje imaju pravo da budu ranije obaviještene u skladu sa poglavljem XIV.

Registrovana test grupa: grupa vrhunskih igrača koju je posebno utvrdio NS/FS BiH ili njena članica koja je predmet testiranja u toku i izvan takmičenja kao dio plana rasporeda testiranja NS/FS BiH, članice ili Agencije za antidoping kontrolu.

Uzorak ili primjerak: svaki biološki materijal uzet za potrebe doping kontrole.

Potpisnice: oni subjekti koji su potpisali WADAin Kodeks i koje su prihvatile da se pridržavaju WADAinog Kodeksa, uključujući Međunarodni olimpijski komitet, međunarodne saveze, Međunarodni paralimpijski komitet, Nacionalne olimpijske komitete, organizacije velikih događaja, NADOe i WADAu.

Značajna pomoć: za potrebe poglavlja V, osoba koja pruža značajnu pomoć mora: (1) u cjelosti objelodaniti, u potpisanoj izjavi, sve informacije koje posjeduje u vezi povreda anti-doping pravila i (2) u potpunosti sarađivati u istrazi i odlučivanju o nekom predmetu koji se odnosi na te informacije, uključujući, na primjer, svjedočenje na pretresu ukoliko od iste to zatraži neka anti-doping organizacija ili pretresni panel. Nadalje, pružene informacije moraju biti kredibilne i sadržavati bitan dio bilo kojeg predmeta koji je pokrenut ili, ukoliko nije pokrenut, mora pružati dovoljno osnove na kojoj bi se zasnivao predmet.

Prikladna specifična težina za analizu: specifična težina koja iznosi 1,005 ili više sa refraktometrom, ili 1,010 ili više s laboratorijskim stikovima.

Ometanje: neprimjereno ponašanje ili neprimjeren način; neprimjeren uticaj na postupak; neodgovarajuće mješanje, opstrukcija; obmanjivanje ili učestvovanje u nekom prevarantskom ponašanju u cilju zamjene rezultata ili sprečavanja redovnog toka kontrole; ili pružanje lažnih informacija antidoping organizaciji.

Ciljano testiranje: biranje igrača za testiranje gdje su određeni igrači ili grupa igrača nenasumično izabrani za testiranje u određeno vrijeme.

Timska aktivnost: sve sportske aktivnosti (npr. treniranje, putovanje, taktičke sesije) na kolektivnoj osnovi s igračevim timom ili druge aktivnosti pod supervizijom tima (npr. tretman od strane timskog ljekara).

Testiranje: dijelovi procesa doping-kontrole koji uključuju planiranje rasporeda testiranja, uzimanje uzorka, rukovanje uzorkom, te transport uzorka u laboratoriju.

Promet: prodaja, davanje, transportovanje, slanje, isporuka ili distribucija zabranjene supstance ili zabranjenog metoda (bilo fizički ili nekim elektronskim ili drugim sredstvom) od strane igrača, člana pomoćnog sportskog osoblja ili bilo kojeg drugog lica koje je predmet nadležnosti anti-doping organizacije, bilo kojoj trećoj strani, međutim, pod uslovom da ova definicija ne obuhvata akcije medicinskog osoblja u dobroj vjeri (bona fide) koje uključuju zabranjenu supstancu koja se koristi za istinske i zakonite terapijske svrhe ili drugo

prihvatljivo opravdanje, i neće obuhvatati akcije koje involviraju zabranjene supstance koje nisu zabranjene na testiranju izvan takmičenja izuzev ako okolnosti u cjelini demonstriraju da namjena tih zabranjenih supstanci nije bila u istinsku i zakonitu terapijsku svrhu.

Savjetodavna grupa za TUE: tijelo kojem FIFAin Medicinski komitet delegira ocjenjivanje i odobravanje izuzeća za terapijsku upotrebu (TUE).

Upotreba: korištenje, primjena, unos, ubrizgavanje ili konzumiranje na bilo koji mogući način bilo koje zabranjene supstance ili zabranjenog metoda.

WADA: Svjetska anti-doping organizacija.

DODATAK B.

ZABRANJENA LISTA (LISTA ZABRANJENIH SUPSTANCI I METODA)

Pogledati Zabranjenu listu koju je objavila WADA, koja se može naći na www.wada.ama.org.

DODATAK C.

IZUZEĆA ZA TERAPIJSKU UPOTREBU

1. Igraču može biti odobreno izuzeće za terapijsku upotrebu kojim mu se dozvoljava upotreba zabranjene supstance ili zabranjenog metoda koja/i se nalazi na Zabranjenoj listi. Zahtjev za TUE pregleda Medicinski komitet NS/FS BiH koji zastupa savjetodavna grupa za TUE.

2. TUE će biti odobren samo strogo u skladu sa sljedećim kriterijima, koje može revidirati savjetodavna grupa TUE NS/FS BiH u skladu sa Međunarodnim standardom za izuzeća za terapijsku upotrebu i biće objavljen u politici NS/FS BiH za TUE:
 - a) Igrač je dužan podnijeti zahtjev za TUE u roku koji propisuje objavljena politika NS/FS BiH za TUE koja je na snazi.

 - b) Igračevo zdravlje bi se značajno pogoršalo ukoliko bi tokom liječenja akutnog ili hroničnog medicinskog stanja ostao uskraćen za upotrebu zabranjene supstance ili zabranjenog metoda.

 - c) Terapijska upotreba zabranjene supstance ili zabranjenog metoda ne bi dovela do dodatnog pospješivanja performansi izuzev onih koje bi se

mogle očekivati kod povratka u normalno zdravstveno stanje nakon liječenja nekog legitimnog medicinskog stanja. Upotreba zabranjene supstance ili zabranjenog metoda radi povećanja „niskih-normalnih” nivoa bilo kojeg endogenog hormona ne smatra se prihvatljivom terapijskom intervencijom.

- d) Ne postoji nikakva razumna terapijska alternativa za upotrebu inače zabranjene supstance ili zabranjenog metoda.
- e) Potreba za upotrebom inače zabranjene supstance ili zabranjenog metoda ne može biti posljedica, ni u cjelosti ni djelomično, prijašnje upotrebe, bez TUEa, supstance ili metoda koja je bila/bio zabranjen(a) u vrijeme upotrebe.

3. Savjetodavna grupa NS/FS BiH za TUE će poništiti TUE ako:

- a) igrač promptno ne ispoštuje bilo koji zahtjev ili uslov koji izrekne savjetodavna grupa za TUE NS/FS BiH;
- b) istekne period na koji je izdat TUE;
- c) igrač bude obavješten da je savjetodavna grupa NS/FS BiH za TUE TUE povukla TUE; ili
- d) WADA ili CAS obore odluku kojom je odobren TUE.

4. Zahtjev za TUE neće biti razmatran radi retroaktivnog odobrenje izuzeća izuzev u slučajevima kada:

- a) je neophodan hitan tretman ili tretiranje nekog akutnog medicinskog stanja; ili
- b) zbog izuzetnih okolnosti nema dovoljno vremena ili mogućnosti da aplikant podnese zahtjev, ili da savjetodavna grupa NS/FS BiH za TUE razmotri zahtjev prije doping kontrole.

5. Povjerljivost informacija

- a) Prikupljanje, čuvanje, obrada, otkrivanje i zadržavanje ličnih podataka od strane NS/FS BiH u postupku TUE, u skladu je sa Međunarodnim standardom za zaštitu privatnosti i ličnih podataka.
- b) Igrač koji podnosi zahtjev za TUE dužan je dostaviti pismenu saglasnost za prenos svih podataka vezanih za njegov zahtjev članovima komiteta za odobravanje izuzeća za terapijsku upotrebu koji su ovlašteni u skladu sa Svjetskim anti-doping kodeksom da vrše pregled predmeta i, po potrebi, drugim nezavisnim medicinskim ili naučnim ekspertima, te cijelom neophodnom osoblju uključenom u vođenje, pregled ili žalbe na TUE. U skladu s odredbama Svjetskog anti-doping kodeksa, aplikant je također dužan dostaviti pismenu saglasnost da se odluka savjetodavne grupe NS/FS BiH za TUE može distribuirati drugim relevantnim anti-doping organizacijama i članicama NS/FS BiH.
- c) Ukoliko bude potrebna pomoć vanjskih nezavisnih eksperata, sve pojednosti iz zahtjeva kružiće bez identifikovanja predmetnog igrača.
- d) Članovi savjetodavne grupe NS/FS BiH za TUE, svi nezavisni eksperti i osoblje Medicinskog komiteta NS/FS BiH i Anti-doping jedinice involvirano u postupak, sve svoje aktivnosti će vršiti u strogoj povjerljivosti i potpisaće sporazume o čuvanju povjerljivosti. Oni će u tajnosti čuvati naročito ove informacije:

i.

Sve medicinske informacije i podatke koje dostave igrač i ljekar(i) involviran(i) u igračev slučaj.

ii.

Sve pojedinosti zahtjeva, uključujući ime(na) ljekara koji je(su) involviran(i) u postupak.

- e) Ukoliko igrač želi povući pravo savjetodavne grupe NS/FS BiH za TUE ili bilo kojeg komiteta za izuzeća za terapijsku upotrebu da pribave bilo kakve zdravstvene podatke u njegovo ime, igrač je dužan o toj činjenici pismeno obavijestiti svog ljekara. Kao posljedica takve odluke, igrač neće dobiti odobrenje za TUE niti će mu biti obnovljen postojeći TUE.

DODATAK D.

BORAVIŠTE

1 Registrovana test grupa

1. NS/FS BiH će uspostaviti jednu registrovanu test grupu na državnom nivou. Odgovornost za uspostavljanje registrovane test grupe na entitetskom nivou ostaje na predmetnim članicama.
2. Registrovana test grupa NS/FS BiH (.skr.RTP) obuhvata tri kategorije grupe sa specifičnim zahtjevima boravišta:

- a) FIFAINA međunarodna registrovana test grupa (IRTP) uključuje individualne igrače međunarodnog ranga koji su nepodobni za nastupanje nakon odluke FIFAINOG tijela ili koji su kategorizovani kao visokorizični igrači. Te igrače će pojedinačno određivati FIFAINA Anti-doping jedinica i njih će o tome obavještavati predmetna asocijacija. Nije potrebno obrazlagati zašto je neki igrač određen za test grupu. ?
- b) Elitna test grupa (engl.skr.ETP) uključuje klubove/ reprezentativne timove koji učestvuju u elitnom rangu neke konfederacije koji definišu konfederacije. Testiranje i vođenje rezultata ove test grupe delegira se na predmetnu konfederaciju. Posljedično, za ETP važi anti-doping pravilnik konfederacije a ne članovi 2 do 9 ovog Pravilnika. ?
- c) FIFAINA predtakmičarska test grupa (engl.skr.PCTP) uključuje reprezentativne timove koji učestvuju u takmičenju(ima) koje izabere FIFA tokom dvomjesečne pripremne faze prije tog(tih) takmičenja. Relevantni reprezentativni timovi će biti obavješteni o svom izboru najmanje tri mjeseca prije početka takmičenja. ?
3. Svaka predmetna članica dužna je odmah pismeno obavijestiti igrače koje je NS/FS BiH odredio za IRTP i klubove i reprezentativne timove koji su uključeni u ETP ili PCTP o:
- a) tome da su uključeni u FIFAIN IRTP, ETP ili PCTP (zavisi šta od toga): ?
- b) posljedičnom zahtjevu da dostave tačne i kompletne podatke o boravištu;
i
- c) posljedicama nepridržavanja tog zahtjeva.

Od svake predmetne asocijacije zahtijeva se da osigura da njeni igrači ili timovi dostave tačne i kompletne podatke o boravištu kako je propisano ovim Pravilnikom.

4. Igrači koji su najavili povlačenje iz fudbala i više ne pripadaju IRTPu ili ETPu ne smiju ponovo početi s takmičenjima izuzev ako:
 - a) obavijeste predmetnu asocijaciju najmanje šest mjeseci prije očekivanog povratka u takmičenja;
 - b) ispune iste zahtjeve za dostavljanje podataka o boravištu kao i igrači iz IRTPa ili ETPa; i
 - c) budu na raspolaganju za testiranje izvan takmičenja bez prethodnog obavještenja u bilo koje vrijeme tokom perioda koji prethodi stvarnom povratku u takmičenja.
5. Igrači koji odslužuju period zabrane igranja ostaće u relevantnoj test grupi do kraja perioda zabrane izuzev ako su određeni za uključanje u IRTP.
6. Igrači koji su povrijeđeni ili nisu sposobni za igru, ostaju u relevantnoj test grupi i mogu biti podvrgnuti ciljanom testiranju izuzev ako su određeni za uključanje u IRTP.
7. NS/FS BiH će periodično po potrebi vršiti reviziju i ažuriranje svojih kriterija za uključivanje igrača, klubova i reprezentativnih timova u test grupama. Predmetni igrači (u slučaju IRTPa), klubovi i timovi (u slučaju ETPa i PCTPa) moraju biti obaviješteni o eventualnim izmjenama putem svojih asocijacija članica, odnosno konfederacije.

2 Obaveza dostavljanja informacija

1. Svaki igrač ili tim uključen u predmetnu test grupu dužan je dostaviti tačne i kompletne podatke o svom boravištu na način propisan članom 3.
2. Igrač ili tim u PCTPu može delegirati nekom drugom zadatak dostavljanja njegovom klubu podataka o nekim ili svim boravištima propisan članom 3, npr. treneru ili menadžeru. Pretpostavlja se je data pravovaljana punomoć za sva relevantna dostavljanja podataka, izuzev ako je igrač odredio drugačije ili ako je članom 2 i 3 propisano drugačije.
3. Igrač reprezentativnog tima koji je određen u PCTP, a koji odslužuje period zabrane igranja ili koji je povrijeđen ili je objavio povlačenje iz fudbala, informacije o svom boravištu dužan je dostaviti direktno predmetnom klubu za period koji ostaje u PCTPu.

3 Zahtjevi oko boravišta

1. a) IRTP;

Na obrascu koji obezbjeđuje NS/FS BiH, svaki igrač je dužan kod predmetnog kluba ostaviti podatke o svom boravištu za preostale dane aktuelnog tromjesečja u roku od deset dana od prijema obavještenja da je određen za test grupu, a nakon toga tromjesečno za sve dane do 25.decembra, 25.marta, 25.juna i 25.septembra. Klub je dužan Anti-doping jedinici NS/FS BiH podnositi tromjesečne izvještaje i dopune istih najkasnije do 30.decembra, 30.marta, 30.juna i 30.septembra.

Nadalje, svaki igrač je dužan pismeno obavijestiti Anti-doping jedinicu NS/FS BiH o tome kad mu prestaje period zabrane igranja ili rehabilitacije čim se to mogne odrediti.

b) PCTP;

Na obrascu koji obezbjeđuje NS/FS BiH, svaki predmetni klub, članica dužna je dostaviti podatke o boravištu za sve dane kad njen reprezentativni tim ima aktivnosti tokom dvomjesečnog perioda prije određenog takmičenja.

2. Treba dostaviti minimalno sljedeće informacije:

Za IRTP:

- a) ime igrača i relevantnog tima;
- b) punu poštansku adresu i broj faksa za potrebe slanja formalnog obavještenja;
- c) izričitu potvrdu igračeve saglasnosti za razmjenu podataka o njegovom boravištu s drugim anti-doping organizacijama koje su ovlaštene da ga testiraju;
- d) za svaki dan tokom predmetnog perioda, punu adresu i mjesto u kojem će igrač boraviti (npr.kod kuće, privremeni stan, hotel, itd.);
- e) za svaki dan tokom predmetnog perioda, vrijeme (vremena) provođenja svake redovne aktivnosti, zajedno s mjestom provođenja aktivnosti i ostalim podacima potrebnim da bi se igrač locirao tokom predmetnog vremena; i

- f) za svaki dan tokom predmetnog perioda, jedan konkretan 60-minutni vremenski blok između 6.00h ujutro i 23,00h uveče gdje će igrač biti prisutan i dostupan za testiranje na određenoj lokaciji.

Za PCTP:

- a) ime relevantnog reprezentativnog tima;
- b) punu poštansku adresu i broj faksa za potrebe slanja formalnog obavještenja;
- c) izričitu potvrdu saglasnosti igrača za razmjenu podataka o njihovom boravištu s drugim anti-doping organizacijama koje su ovlaštene da ih testiraju;
- d) za svaki dan bilo koje timske aktivnosti tokom predmetnog perioda, punu adresu i mjesto u kojem će tim boraviti (npr.privremeni stan, hotel, itd.);
- e) takmičarski raspored tima za predmetni period, uključujući naziv i punu adresu svake lokacije koja je planirana za takmičenje tima tokom tog vremena i datum(e) koji je(su) planiran(i) za takmičenje na tim lokacijama; i
- f) za svaki dan bilo koje timske aktivnosti tokom predmetnog perioda, vrijeme (vremena) kolektivnih aktivnosti (npr.treniranje) ili individualnih aktivnosti pod supervizijom tima (npr. ljebarski tretman), te ostale redovne aktivnosti, ako ih ima, zajedno s mjestom provođenja aktivnosti i ostalim podacima potrebnim da bi se tim locirao tokom predmetnog vremena.

3. IRTP: Dužnost je igrača da osigura da su sve dostavljene informacije o njegovom boravištu tačne i dovoljno detaljne kako bi ga Anti-doping jedinica NS/FS BiH mogla locirati radi testiranja bilo kojeg datog dana tokom predmetnog perioda, uključujući i 60-minutni vremenski blok naveden za taj dan u njegovim podacima o boravištu, ali bez ograničavanja na isti.

PTCP: Dužnost je asocijacije članice da osigura da su sve dostavljene informacije o boravištu tačne i dovoljno detaljne kako bi FIFAina Anti-doping jedinica mogla locirati reprezentativni tim radi testiranja bilo kojeg dana bilo koje aktivnosti tima tokom predmetnog perioda.

4. Kad izmjena bilo kojih okolnosti ima značenje da informacije koje je ranije dostavio igrač/tim više nisu tačne ili potpune, informacije o boravištu se moraju ažurirati tako da budu ponovo tačne i potpune.

To ažuriranje podataka mora se napraviti što je moguće prije, a u slučaju IRTPa, u svakom slučaju prije 60-minutnog vremenskog bloka navedenog u podacima o boravištu za taj dan. Nepostupanje u tom smislu imaće posljedice koje su propisane u donjem tekstu.

4 Dostupnost za testiranje

1. Igrač određen u IRTP dužan je biti prisutan i dostupan za testiranje bilo kojeg datog dana u predmetnom periodu za 60-minutni vremenski blok naveden u podacima o boravištu za taj dan, na lokaciji koju je naveo za taj vremenski blok u dostavljenim podacima o boravištu.
2. Reprezentativni tim određen u PCTP dužan je biti prisutan i dostupan za testiranje tokom bilo kojeg datog dana kad se odvija timska aktivnost u predmetnom periodu u vrijeme i na lokaciji koja je navedena za aktivnost tima u njegovim podacima o boravištu. Ukoliko je određen za testiranje, cijeli tim je dužan ostati do okončanja postupka uzimanja uzoraka.

5 Odgovornost za nedostavljanje podataka o boravištu i nedolazak na testiranje

1. Svaki igrač određen u IRTP ostaje taj koji je u konačnici odgovoran u svako doba za pružanje tačnih i kompletnih podataka o boravištu kako zahtijeva ovaj Pravilnik.
2. Svaki igrač određen u IRTP dužan je obezbijediti svoju dostupnost za testiranje na datoj lokaciji tokom 60-minutnog vremenskog bloka navedenog u podacima o boravištu za taj dan. Ako pokušaj testiranja igrača tokom tog 60-minutnog vremenskog bloka ne uspije, igrač će se smatrati odgovornim što testiranje nije izvršeno, u skladu sa članom 8 Pravilnika o anti-dopingu NS/FS BiH, što podliježe zahtjevima propisanim ovim dokumentom u članu 8, stav 2.
3. Ukoliko dođe do izmjena bilo koje tražene informacije nakon dostavljanja podataka o boravištu, onda u skladu sa odredbama člana 3, stav 4, te izmjene moraju biti dostavljene kako bi podaci o boravištu uvijek bili tačni i kompletni. Ukoliko ne budu dostavljene te nove informacije, a kao rezultat toga pokušaj testiranja igrača tokom 60-minutnog vremenskog bloka ne uspije, igrač će se smatrati odgovornim što testiranje nije izvršeno, u skladu sa članom 8 ovog Pravilnika o anti-dopingu, što podliježe zahtjevima propisanim ovim dokumentom u članu 8, stav 2.
4. Svaka članica tima određenog u PTCP odgovorna je za dostavljanje tačnih i kompletnih podataka o boravištu kako propisuje ovaj pravilnik i za osiguranje da njen reprezentativni tim bude dostupan za testiranje u vrijeme i na lokaciji koja je navedena za aktivnost tima u njegovim podacima o boravištu. Ukoliko asocijacija ne ispuni važeće zahtjeve o boravištu, zbog takvog neispunjavanja zahtjeva asocijacija je predmet sankcija predviđenih Disciplinskim pravilnikom NS/FS BiH.

6 Povreda anti-doping pravila

1. Smatraće se da je igrač koji je član IRTPa povrijedio anti-doping pravilo iz člana 8 ovog Pravilnika o anti-doping u ako ukupno tri puta ne ispoštuje zahtjeve o dostavljanju podataka o boravištu (što može biti bilo koja kombinacija nepoštivanja i/ili neobavljenih testiranja najviše do tri ukupno) unutar 18-mjesečnog perioda, neovisno od toga koja(e) anti-doping organizacija(e) je(su) objavila(e) da nisu ispoštovani zahtjevi o boravištu.
2. 18-mjesečni period počinje teći na datum kad igrač nije ispunio zahtjev o boravištu. Na isti ne utiče nikakvo uspješno uzimanje uzorka u pogledu tog igrača tokom tog 18-mjesečnog perioda. Ipak, ako igrač koji jednom nije ispunio zahtjev o boravištu ne počini dalja dva neispunjenja zahtjeva o boravištu unutar 18 mjeseci od prvog neispunjenja, na kraju tog 18-mjesečnog perioda, za potrebe člana 8, „ističe” prvo nepoštivanje.
3. Kad se igrač povučem iz fudbala a zatim se vrati u takmičenje, period njegove nedostupnosti za testiranje izvan takmičenja neće biti uziman u obzir za potrebe izračunavanja 18-mjesečnog perioda.
4. Igrač koji pruži lažne informacije o svom boravištu, bilo u vezi sa njegovom lokacijom tokom specificiranog 60-minutnog vremenskog bloka, ili u vezi sa njegovim boravištem izvan tog vremenskog bloka, ili u vezi s nečim drugim, time čini povredu anti-doping pravila iz člana 7 i/ili 9 Pravilnika o anti-doping u NS/FS BiH. Disciplinski komitet NS/FS BiH može izreći sankcije.
5. Ukoliko članica NS/FS BiH ne dostavi tačne i kompletne podatke o boravištu igrača registrovanom za reprezentativni tim te asocijacije, ista će biti predmet evaluacije od strane Anti-doping jedinice NS/FS BiH zbog nedostavljanja podataka. Odredbe člana 7 će se primjenjivati po analogiji. Ukoliko, kao rezultat te evaluacije, Anti-doping jedinica NS/FS BiH zaključi da igrač/klub nije ispunio/la svoju obavezu da dostavi podatke o boravištu, Anti-doping jedinica NS/FS BiH će o tome obavijestiti članicu i predmet dostaviti Disciplinskom komitetu NS/FS BiH koji će odlučiti o odgovarajućim sankcijama u skladu sa Disciplinskim pravilnikom NS/FS BiH.

7 Vođenje rezultata u pogledu nedostavljanja podataka

Proces vođenja rezultata u pogledu navodnog nedostavljanja podataka je sljedeći:

1. Može se tvrditi da igrač nije ispunio obavezu dostavljanja podataka kada Anti-doping jedinica NS/FS BiH, nakon postupka vođenja rezultata propisanog u daljem tekstu, utvrdi nešto od sljedećeg:
 - a) da je igrač bio pravovaljano obaviješten:
 - i.
da je određen u IRTP test grupu;
 - ii.
o posljedičnom zahtjevu da dostavi tačne i kompletne podatke o boravištu; i
 - iii.
o posljedicama nepoštivanja ovog zahtjeva.
 - b) da taj zahtjev igrač nije ispunio u propisanom roku;
 - c) da je, u slučaju drugog ili trećeg nedostavljanja podataka o boravištu u istom tromjesečju, igrač bio obaviješten o prethodnom nedostavljanju u skladu sa odredbom iz člana 7, stav 2 a ipak nije ispravio tu grešku nedostavljanja podataka do roka koji je naveden u obavještenju; i

- d) da se njegovo nepoštivanje zahtjeva smatra najmanje nemarnim. Za te svrhe, pretpostaviće se da je igrač nepoštivanje počinio nemarno, uz dokaz da iako je bio obaviješten o tom zahtjevu, nije ispoštovao isti. Tu pretpostavku igrač može pobiti samo ako tvrdi da nikakvo nemarno ponašanje s njegove strane nije dovelo do ili doprinijelo tom neispunjenju.
2. Ukoliko izgleda da nisu ispunjeni svi zahtjevi propisani članom 7, stav 1, onda najkasnije 14 dana od datuma kad je otkriveno navodno nepoštivanje, Anti-doping jedinica NS/FS BiH predmetnom igraču mora poslati obavještenje na način propisan u poglavlju XVII Anti-doping pravilnika NS/FS BiH, pozivajući ga da se izjasni u roku od 14 dana od prijema tog obavještenja. U obavještenju Anti-doping jedinica igrača treba obavijestiti:
- a) da je, u cilju izbjegavanja daljeg nepoštivanja, dužan dostaviti tražene podatke o boravištu u roku koji je odredila Anti-doping jedinica NS/FS BiH; rok će biti najmanje 24 sata nakon prijema obavještenja a najviše kraj mjeseca u kojem je primljeno obavještenje;
 - b) da će, osim ako igrač uspije uvjeriti Anti-doping jedinicu NS/FS BiH da nije bilo nepoštivanja, navodno nedostavljanje podataka o boravištu biti evidentirano protiv igrača;
 - c) da li je bilo navoda protiv igrača da nije ispoštovao zahtjev o boravištu u 18-mjesečnom periodu koji je prethodio tom navodnom nepoštivanju; i
 - d) o posljedicama za igrača ukoliko pretresni panel ostane pri tvrdnji da igrač nije ispoštovao zahtjev za dostavljanje podataka o boravištu.
3. Kada igrač osporava navodno nepoštivanje zahtjeva, Anti-doping jedinica dužna je ponovo ocijeniti da li su ispunjeni svi zahtjevi iz člana 7, stav 1. Anti-doping jedinica dužna je igrača obavijestiti, pismom poslanim najkasnije 14 dana nakon prijema igračevog odgovora, da li ili ne i dalje ostaje pri tome da je postojalo nepoštivanje zahtjeva.

4. Ukoliko do određenog roka ne stigne igračev odgovor, ili ako Anti-doping jedinica i dalje ostaje pri tome da je postojalo nepoštivanje zahtjeva, Anti-doping jedinica će igraču poslati obavještenje da je protiv njega evidentirano nedostavljanje podataka o boravištu. Istovremeno, Anti-doping jedinica će igrača obavijestiti da ima pravo na administrativnu reviziju te odluke.
5. Na traženje igrača, tu administrativnu reviziju odluke vodiće osoba iz Anti-doping jedinice koja nije bila uključena u ranije ocjenjivanje navodnog nepoštivanja. Revizija će se zasnivati samo na pisanim podnescima, i razmatraće da li su ispunjeni svi zahtjevi iz člana 7, stav 1. Revizija mora biti završena u roku od 14 dana od prijema igračevog zahtjeva, a odluka će igraču biti dostavljena pismom koje je poslano najviše sedam dana nakon donošenja iste.
6. Ukoliko nakon te revizije izgleda da nisu ispunjeni svi zahtjevi iz člana 7, stav 1, onda se navodno neispunjenje neće tretirati kao nedostavljanje podataka o boravištu za bilo koje svrhe. Igrač mora biti obaviješten o tome.
7. Ukoliko igrač do relevantnog roka ne zahtijeva administrativnu reviziju navodnog nepoštivanja, ili ako administrativna revizija dovede do zaključka da su ispunjeni svi zahtjevi iz člana 7, stav 1, onda će Anti-doping jedinica NS/FS BiH protiv igrača evidentirati navodno nedostavljanje podataka o boravištu, te obavijestiti igrača i sve ostale relevantne anti-doping organizacije o tom nepoštivanju i datumu kad je do njega došlo na način propisan članom 65, stav 7 ovog Pravilnika o anti-doping.
8. Svako obavještenje poslano igraču na osnovu člana 7, kojim se on obavještava o odluci da nije bilo nepoštivanja zahtjeva, mora takođe biti poslano i WADAI ? i bilo kojoj drugoj strani(ama) koja ima pravo na žalbu u skladu sa poglavljem XIII ovog Pravilnika o anti-doping. U skladu s tim poglavljem, WADAI ? i bilo koja druga strana(e) imaju pravo žalbe na odluku.

8 Vođenje rezultata u pogledu neodazivanja na testiranje

Postupak vođenja rezultata u slučaju očitog neodazivanja na testiranje odvijace se na ovaj način:

1. Službenik NS/FS BiH za doping-kontrolu podnijeće Anti-doping jedinici NS/FS BiH izvještaj o neuspješnom pokušaju testiranja, navodeći sve detalje pokušaja uzimanja uzorka, uključujući datum pokušaja, posjećenu lokaciju, tačno vrijeme dolaska i odlaska na/sa lokacije, korake(e) koji(e) je poduzeo na lokaciji u cilju pronalaženja igrača, uključujući detalje o eventualnim kontaktima s trećim stranama, te eventualno druge relevantne detalje o pokušaju uzimanja uzorka.
2. Za igrača se može izjaviti da se nije odazvao na testiranje ukoliko Anti-doping jedinica NS/FS BiH može utvrditi jedno od sljedećeg:
 - a) da je u vrijeme kad je igrač obaviješten o tome da je uključen u IRTP, bio obaviješten i o njegovoj odgovornosti za neodazivanje na testiranje ukoliko ne bude dostupan za testiranje tokom 60-minutnog vremenskog bloka specificiranog u njegovim podacima o boravištu na lokaciji koja je navedena za taj vremenski blok;
 - b) da je službenik NS/FS BiH za doping-kontrolu pokušao testirati igrača na dati dan tokom 60-minutnog vremenskog bloka specificiranog u igračevim podacima o boravištu, posjetivši lokaciju koja je navedena za taj vremenski blok;
 - c) da je tokom 60-minutnog vremenskog bloka, službenik NS/FS BiH za doping-kontrolu učinio ono što je bilo razumno u datim okolnostima da locira igrača, izuzev prethodnog obavještanja igrača o testiranju;

- d) da su ispunjeni uslovi iz člana 8, stav 3 ovog dokumenta, ukoliko je to slučaj; i
- e) da je igračeva nedostupnost za testiranje na specificiranoj lokaciji tokom specificiranog 60-minutnog vremenskog bloka, u najmanju ruku bila nemarna. Za te potrebe, pretpostaviće se da je igrač bio nemaran nakon dokaza o pitanjima iz ovog člana 8, stav 2. Igrač može oboriti tu pretpostavku samo ako dokaže da nemarno ponašanje s njegove strane nije dovelo ili doprinijelo da on:
- bude nedostupan za testiranje na toj lokaciji u tom vremenskom bloku, i
 - ne ažurira svoje zadnje podatke o boravištu dajući obavještenje o drugoj lokaciji na kojoj će biti dostupan za testiranje tokom 60-minutnog vremenskog bloka umjesto one navedene u podacima konkretno za relevantni dan.
3. Da bi se osigurao fer pristup prema igraču, u slučaju kad je učinjen neuspjao pokušaj testiranja igrača tokom jednog 60-minutnog vremenskog bloka navedenog u igračevim podacima o boravištu, eventualni naknadni pokušaji testiranja tog igrača mogu se računati protiv igrača kao neodazivanje na testiranje, ukoliko se taj neuspjeli pokušaj dogodio nakon što je igrač bio obavješten o prvobitnom neuspješnom pokušaju testiranja u skladu sa članom 8, stav 4 ovog dokumenta.
4. Ukoliko se čini da su ispunjeni svi uslovi iz Člana 8, stav 2, onda najkasnije 14 dana nakon datuma neuspjelog pokušaja testiranja, Anti-doping jedinica NS/FS BiH dužna je igraču poslati obavještenje o neuspjelom pokušaju na način propisan u poglavlju XVII ovog Pravilnika o anti-doping, pozivajući igrača da se izjasni u roku od 14 dana od primitka obavještenja. Anti-doping jedinica NS/FS BiH u svom obavještenju igrača treba informisati o sljedećem:

- a) da će, uprkos tome što igrač Anti-doping jedinicu NS/FS BiH uvjerava da nije bilo nikakvog neodazivanja na testiranje, navodno neodazivanje na testiranje biti evidentirano protiv igrača;
 - b) da li je protiv igrača izjavljeno neodazivanje na testiranje u periodu od 18 mjeseci prije navodnog neodazivanja na testiranje;
 - c) o posljedicama po igrača ukoliko pretresno vijeće ostane pri navodu o neodazivanju na testiranje.
5. Kada igrač osporava navodno neodazivanje na testiranje, Anti-doping jedinica NS/FS BiH dužna je ponovno ocijeniti da li su ispunjeni svi zahtjevi propisani članom 8, stav 2 ovog dokumenta. Anti-doping jedinica dužna je igrača obavijestiti, pismom poslanim najkasnije 14 dana nakon primitka igračevog odgovora, da li Anti-doping jedinica ostaje pri tome da je postojalo neodazivanje na testiranje ili nije.
6. Ukoliko do relevantnog roka ne stigne igračev odgovor, ili ako Anti-doping jedinica ostane pri tome da je postojalo neodazivanje na testiranje, Anti-doping jedinica dužna je obavijestiti igrača da je protiv njega evidentirano navodno neodazivanje na testiranje. Istovremeno, Anti-doping jedinica će obavijestiti igrača da ima pravo tražiti administrativnu reviziju navodnog neodazivanja na testiranje. U tom trenutku, igraču treba biti dostavljen Izvještaj o neuspjelom pokušaju ukoliko to nije učinjeno ranije u toku postupka.
7. Ukoliko je igrač tražio, tu administrativnu reviziju provešće član Anti-doping jedinice NS/FS BiH koji nije bio uključen u ranije ocjenjivanje navodnog neodazivanja na testiranje. Revizija će se zasnivati samo na pisanim podnescima, te će razmatrati da li su ispunjeni svi uslovi propisani članom 8, stav 2. Po potrebi, od relevantnog službenika za doping-kontrolu NS/FS BiH može se tražiti da tom članu dostavi dodatne informacije. Revizija mora biti završena u roku od 14 dana od primitka igračevog zahtjeva, a odluka će igraču biti dostavljena pismom poslanim najviše sedam dana nakon donošenja odluke.

8. Ukoliko nakon revizije izgleda da uslovi propisani članom 8, stav 2 nisu ispunjeni, onda se neuspjeli pokušaj testiranja igrača neće ni za kakve potrebe smatrati neodazivanjem na testiranje. Igrač o tome mora biti obaviješten.

9. Ukoliko igrač do relevantnog roka ne zahtijeva administrativnu reviziju navodnog neodazivanja na testiranje, ili ukoliko administrativna revizija dovede do zaključka da su ispunjeni svi uslovi propisani članom 8, stav 2, onda će Anti-doping jedinica evidentirati navodno neodazivanje na testiranje protiv igrača i obavijestiti igrača i sve ostale relevantne anti-doping organizacije o navodnom neodazivanju na testiranje i datumu kad se isto dogodilo na način propisan članom 65, stav 7 Pravilnika o anti-doping u.

10. Obavještenja poslana igrača u skladu sa članom 8 ovog dokumenta, koja se slažu s tim da je nije postojalo neodazivanje na testiranje, biće poslana i WADAI kao i svim ostalim trećim stranama koje imaju pravo na žalbu u skladu sa poglavljem XIII ovog Pravilnika o anti-doping u, i na njih se može žaliti WADA i/ili takva strana/e u skladu sa tim poglavljem.

9 Odgovornost za vođenje procedure

1. Anti-doping jedinica NS/FS BiH dužna je voditi evidenciju o svim propustima vezanim za informacije o boravištu u pogledu svakog igrača u svojoj IRTP test grupi. Kad se utvrdi da je neki igrač tri puta napravio propust vezano za boravište u okviru 18-mjesečnog perioda, odgovornost za pokretanje postupka protiv igrača iz člana 8 ovog Pravilnika o anti-doping u biće kako slijedi:
 - a) NS/FS BiH će biti odgovorna ako NS/FS BiH navede dva ili više takvih propusta vezanih za boravište ili ako te proposte vezane za boravište izjave tri različite anti-doping organizacije, a predmetni igrač ipak bude uključen u IRTP test grupu na datum kad je počinio treći propust vezan za boravište;

- b) Predmetna asocijacija ili NADO? će biti odgovorna ako ista navede dva ili više takvih propusta vezanih za boravište ili ako te propuste vezane za boravište izjave tri različite anti-doping organizacije, a predmetni igrač ipak bude uključen u državnu registrovanu test grupu na datum kad je počinio treći propust vezan za boravište. U tom slučaju pozivanje na NS/FS BiH ili Disciplinski komitet NS/FS BiH, gdje je prikladno, biće shvaćeno kao asocijacija/NADO ili relevantno pretresno vijeće.
2. NS/FS BiH će imati pravo da prima dodatne informacije o navodnom propustu vezanom za boravište od bilo koje anti-doping organizacije kako bi ocijenila snagu dokaza o takvom propustu vezanom za boravište i pravo da pokrene postupak u skladu sa članom 8 ovog Pravilnika o anti-doping u vezi s takvom informacijom. Ukoliko NS/FS BiH u dobroj vjeri odluči da je dokaz o propustu(ima) vezanom za boravište nedovoljan da se pokrene takav postupak u skladu sa članom 8 ovog Pravilnika o anti-doping, onda može odbiti pokretanje postupka na osnovu takvog navodnog propusta vezanog za boravište. Svaka odluka anti-doping organizacije odgovorne što izjavljeni propust vezan za boravište treba zanemariti zbog nedovoljnosti dokaza treba biti dostavljena ostalim anti-doping organizacijama i WADAI, što neće prejudicirati pravo WADAE na žalbu u skladu sa poglavljem XIII Pravilnika o anti-doping NS/FS BiH, a u svakom slučaju ista neće uticati na validnost drugih propusta vezanih za boravište kojima se tereti predmetni igrač.
3. NS/FS BiH bi takođe trebala u dobroj vjeri razmotriti da li bi trebalo igraču izreći privremenu suspenziju do okončanja postupka, u skladu sa poglavljem IX ovog Pravilnika o anti-doping.
4. Igrač koji se tereti za povredu anti-doping pravila u skladu sa članom 8 FIFAIinog Pravilnika o anti-doping imaće pravo na to da se o toj optužbi odluči na potpunom dokaznom pretresu u skladu sa poglavljem X ovog pravilnika.
5. Disciplinski komitet NS/FS BiH neće biti vezan nikakvom odlukom donesenom u toku postupka vođenja rezultata, ni u pogledu adekvatnosti bilo kojeg objašnjenja o propustu vezanom za boravište, niti inače. Umjesto toga, teret dokazivanja svih potrebnih elemenata svakog terećenja za propust vezan za boravište će biti na anti-doping organizaciji odgovornoj za pokretanje postupka.

6. Ukoliko Disciplinski komitet NS/FS BiH odluči da je do potrebnog standarda utvrđeno postojanje jednog ili dva propusta vezanog za boravište, ali ne i trećeg, onda će se zaključiti da nije bilo povrede člana 8 ovog Pravilnika o anti-dopingu. Ipak, ukoliko nakon toga igrač napravi još jedan ili dva propusta vezana za boravište u narednom 18-mjesečnom periodu, može se pokrenuti novi postupak na osnovu kombinacije propusta vezanih za boravište koja zadovoljava pretresno vijeće u ranijem postupku (u skladu sa članom 14, stav 3 ovog pravilnika) i kasnijih propusta igrača vezanih za boravište.

7. Kad NS/FS BiH ne pokrene postupak protiv igrača u skladu sa članom 8 ovog Pravilnika o anti-dopingu u roku od 30 dana od datuma kad je WADA primila obavijest o igračevom trećem propustu vezanom za boravište unutar bilo kojeg 18-mjesečnog perioda, tada će se smatrati da je NS/FS BiH odlučio da nije bilo povrede anti-doping pravila, za potrebe aktiviranja žalbenih prava propisanih u poglavlju XIII ovog pravilnika.

DODATAK E.

POSTUPAK TESTIRANJA

Na svim FIFAinim doping kontrolama, službenik NS/FS BiH za doping kontrolu dužan se pobrinuti da igrač bude obaviješten o tome:

- a) da će se uzimanje uzoraka odvijati pod nadležnošću NS/FS BiH;

- b) da se od njega traži da se podvrgne uzimanju uzorka;

- c) da nepoštivanje može dovesti do posljedica;

- d) da igrač odlučuje da konzumira hranu koja mu je obezbijeđena ili vlastitu hranu ili tekućine (bezalkoholna pića) prije davanja uzorka je u potpunosti na svoju vlastitu odgovornost;
- e) uzorak koji igrač obezbijedi službeniku NS/FS BiH za doping kontrolu mora biti prvi igračev urin nakon poziva za doping-kontrolu.

Svakog igrača će cijelo vrijeme pratiti službeni predstavnik tima, po mogućnosti timski ljekar.

1 Procedura za testiranje tokom takmičenja

1. Na svakoj utakmici na kojoj su planirani doping testovi biće testirana najmanje dva od četiri igrača određena žrijebom (u skladu sa članom 2, stav 6 ovog dokumenta) svakog takmičarskog tima. Biće testirana prva dva žrijebom određena igrača svakog tima, a druga dva će ih zamijeniti u slučaju povrede. U slučaju takmičenja s manjim brojem igrača, npr. fudbala na pijesku ili malog fudbala, biće testiran najmanje jedan igrač po timu. Za ciljano testiranje tima na takmičenju, žrijebom će biti određena i testirana najmanje četiri igrača iz predmetnog tima.

Priprema za davanje uzorka

2. službenik NS/FS BiH za doping kontrolu dužan je od delegata prije utakmice pribaviti službene liste igrača obiju timova.
3. Obrazac za doping-kontrolu 0-1 (dodatak F) treba popuniti timski ljekar prije svake utakmice i lično ili po osobi od povjerenja, predati ga službeniku NS/FS BiH za doping kontrolu. Timski ljekar će u Obrazac za doping-kontrolu 0-1 čitko upisati lijekove koje su igrača uzeli ili koji su im bili dati u prethodna 72 sata prije

utakmice, navodeći ime supstance, dozu, vrijeme kad je prepisana i na koliko vremena, kao i način davanja. Timski ljekar će takođe upisati, na osnovu raspoloživih informacija, lijekove i dodatke ishrani koje igrači uzimaju bez ljekarskog recepta.

Podaci o lijekovima prijavljenim u Obrascu za anti-doping 0-1 biće objelodanjeni samo ako doping test bude pozitivan. Ukoliko se pokaže da je lijek koji je prijavljen u Obrascu za anti-doping 0-1 zabranjena supstanca, službenik NS/FS BiH za doping kontrolu ima pravo da provede dalja istraživanja koja bi mogla dovesti do suspenzije igrača. U suprotnom, Obrazac za doping-kontrolu 0-1 cijelo vrijeme ostaje u posjedu službenika NS/FS BiH za doping kontrolu.

4. Službenik NS/FS BiH za doping kontrolu će u poluvremenu u sobi za doping kontrolu žrebanjem odrediti igrače za testiranje. Pored službenika NS/FS BiH za doping kontrolu i njegovog pomoćnika, biće prisutne i sljedeće osobe:

- a) službeni predstavnik svakog od dva takmičarska tima;
- b) na zahtjev, delegat utakmice.

5. Službenik NS/FS BiH za doping kontrolu provešće žrebanje kako slijedi:

- a) pregledom službene liste igrača, provjeravaće imena i brojeve na dresovima igrača;
- b) zatim će po stolu rasporediti pločice s brojevima svih igrača koji imaju pravo nastupa i koji su sposobni za igru kao i povrijeđenih igrača i/ili onih koji nemaju pravo nastupa zbog disciplinskih razloga i koji sjede na klupi svakog od dva tima;

- c) provjeriće da li nedostaje neki broj prije nego što pločice stavi u dvije platnene vrećice različitih boja, po jednu za svaki tim;
 - d) zatim će izvući četiri broja iz svake vrećice i, negledajući pločice, staviti ih u zasebne koverta označene od 1 do 4 za svaki tim;
 - e) na kraju, zapečatiće svih osam koverata, potpisati ih na poleđini utisnutog žiga, dati da ih potpišu predstavnici timova i čuvati ih na sigurnom mjestu;
 - f) platnene vrećice će biti stavljene u dvije zasebne koverta, zapečaćene i potpisaće ih predstavnici timova.
6. Na doping će biti testirana dva igrača iz svakog tima čiji se brojevi nalaze u kovertama 1 i 2. Ipak, ukoliko je bilo koji od ta dva igrača povrijeđen prije kraja utakmice, službenik za doping kontrolu odlučiće da li je povreda toliko ozbiljna da igrača spriječi da se podvrgne doping-testu. Ukoliko odluči da je povreda dovoljno ozbiljna, povrijeđenog igrača čiji broj se nalazi u koverti broj 1 zamijeniće igrač čiji se broj nalazi u koverti broj 3, a igrača čiji se broj nalazi u koverti broj 2 na doping testu zamijeniće igrač čiji se broj nalazi u koverti broj 4.
7. Pored toga, službenik za doping kontrolu ima pravo da imenuje dodatne igrače za testiranje u svako doba prije, tokom ili nakon utakmice. Nije potrebno obrazlagati zašto je nekog imenovao.

Obavješćavanje igrača

8. Službenik za doping kontrolu će petnaest minuta prije kraja utakmice (koja traje 90 minuta) otvoriti koverta 1 i 2 za svaki tim u sobi za doping kontrolu u prisustvu jednog predstavnika svakog tima.

9. Zatim će službenik NS/FS BiH za doping kontrolu u Obrazac za doping kontrolu 0-2, unijeti ime i broj igrača koji je žrijebom određen za testiranje i potpisati obrazac i tražiti da ga potpiše i predstavnik tima. Zatim službenik za doping kontrolu predaje relevantni primjerak obrasca predstavniku svakog tima. Zeleni primjerak Obrasca za doping kontrolu 0-2 predaje se delegatu utakmice ili generalnom koordinatoru koji sjedi na liniji dodira.

 10. Ukoliko bilo kad u toku utakmice igrač dobije crveni karton, službenik za doping kontrolu odlučice da li tog igrača pratioci trebaju odvesti do sobe za doping kontrolu, svlačionice njegovog tima ili zone na tribini koja je određena njegovom timu, da utakmicu prati odatle dok ne budu poznata imena igrača izabranih za doping testiranje, tako da u slučaju potrebe, igrač bude na raspolaganju za testiranje odmah nakon utakmice. Igrač može predložiti da dobrovoljno da uzorak kako bi bio slobodan nakon te procedure, međutim službenik za doping kontrolu može prihvatiti ili odbiti igračev prijedlog bez pružanja ikakvog obrazloženja.
-
- 3 Procedura za testiranje izvan takmičenja bez prethodne najave tokom timskih aktivnosti
-

Priprema za uzimanje uzoraka

1. NS/FS BiH ili predmetna članica provodi doping testiranje izvan takmičenja bez prethodne najave testiranja na osnovu boravišta timova uključenih u elitnu test grupu (engl.skr. ETP) i grupu za testiranje prije takmičenja (engl.skr. PCTP). U skladu sa planom rasporeda testiranja, Anti-doping jedinica bira timove za testiranje. Zatim Anti-doping jedinica određuje datum(e) predmetnog(ih) testiranja i traži da utvrdi lokaciju izabranog tima uvidom u dostavljene informacije o boravištu tima. U skladu s njima, Anti-doping jedinica planira pristup i šalje raspoloživog službenika NS/FS BiH za doping kontrolu na predmetnu lokaciju/e na predmetni datum/e da provede testiranje bez prethodne najave, te ga obavještava o lokaciji na kojoj se nalazi tim na predmetni datum/e.

2. Ukoliko službenik NS/FS BiH za doping kontrolu nije u stanju kontaktirati tim nakon razumnih pokušaja na osnovu dostavljenih informacija o boravištu tima, o tome će što je moguće prije izvijestiti Anti-doping jedinicu, kako je propisano u dodatku D. Zatim će Anti-doping jedinica krenuti u postupak utvrđivanja da li je došlo do povrede obaveze dostavljanja podataka o boravištu u skladu sa dodatkom D.
3. Ukoliko službenik NS/FS BiH za doping kontrolu locira tim, on se je dužan predstaviti šefu ili zamjeniku šefa delegacije relevantnog tima ili kluba, pokazujući svoje ovlaštenje u svojstvu službenika za doping kontrolu i nalog za predmetnu kontrolu i razgovarati o proceduri za doping testiranje s njim, s timskim ljekarom i, ako je to slučaj, s trenerom.
4. Šef delegacije relevantnog tima ili kluba dužan je službeniku NS/FS BiH za doping kontrolu dati ažuriranu listu igrača u timu, uključujući i ime bilo kojeg igrača odsutnog u vrijeme provođenja doping testiranja. Službeniku NS/FS BiH za doping kontrolu treba navesti razloge za takva odsustva, kao i planirano vrijeme dolaska ili povratka tih igrača na lokaciju timskih aktivnosti. Službenik za doping kontrolu će donijeti odluku da li te igrače treba uključiti u postupak žrebanja za igrače koji će se morati podvrgnuti doping testiranju. Nadalje, on će obavijestiti Anti-doping jedinicu, koja će krenuti u postupak utvrđivanja da li je došlo do povrede obaveze dostavljanja podataka o boravištu u skladu sa dodatkom D.
5. Službenik za doping kontrolu će timskom ljekaru predati jedan primjerak Obrasca za doping kontrolu 0-1, u koji će ljekar unijeti sve lijekove koji su dati ili prepisani svim igračima uključenim u timsku aktivnost u zadnja 72 sata, po potrebi, nakon konsultacije sa igračima. Aranžmani propisani članom 1, stav 3 važiće i u pogledu pojedinosti koje treba unijeti u Obrazac za doping kontrolu 0-1 i procedure za korištenje tog obrasca.
6. Žrijebom će biti određena najmanje četiri igrača iz predmetnog tima, međutim, broj igrača može varirati u skladu sa godišnjim planom doping kontrola i u slučaju ciljanog testiranja. Službenik za doping kontrolu izvući će imena igrača koji treba da se podvrgnu doping testiranju. Pojedini igrači tima takođe mogu biti predmet ciljanog testiranja. Pored službenika za doping kontrolu, te ukoliko je to slučaj, njegovog pomoćnika, žrebanju će prisustvovati i dva službena predstavnika predmetnog tima.

7. Službenik za doping kontrolu provešće žrebanje kako slijedi:
- a) pregledom ažurirane liste igrača koji prisustvuju timskoj aktivnosti, provjeriće imena i brojeve na dresovima igrača;
 - b) zatim će po stolu rasporediti pločice s brojevima svih igrača registrovanih u skladu sa članom 2, stav 4 ovog dokumenta;
 - c) provjeriće da li nedostaje neki broj prije nego što pločice stavi u jednu platnenu vrećicu;
 - d) zatim će iz te vrećice izvući najmanje četiri broja.
8. Ukoliko je povrijeđen jedan ili više igrača određenih žrijebom, službenik za doping kontrolu odlučiće da li će oni ipak biti podvrgnuti doping testiranju ili će ih zamijeniti drugi igrači koji su već određeni žrijebom ili će tek biti određeni žrijebom ili imenovani.

Obavještavanje igrača

9. Službenik NS/FS BiH za doping kontrolu i timski dužnosnik/ljekar prisutan na žrebanju, potpisaće Obrazac za doping-kontrolu 0-2. FIFAin službenik za doping kontrolu će obavijestiti igrača. službenik za doping kontrolu će:
- a) se predstaviti igraču pokazujući svoje ovlaštenje u svojstvu službenika za doping kontrolu i nalog za predmetnu doping kontrolu;

- b) tražiti od igrača da pokaže svoju identifikaciju i potvrdi svoj identitet kako bi se osiguralo da je igrač koji će biti obaviješten isti onaj igrač koji je izabran za doping kontrolu. Način provjere identiteta igrača ili činjenica da igrač nije potvrdio svoj identitet biće dokumentovani i o tome će biti obaviještena Anti-doping jedinica. U tom slučaju, Anti-doping jedinica će odlučiti da li je pravilno da se ta situacija prijavi kao nepoštivanje propisano članom 22 ovog Pravilnika o anti-doping.

3 Procedura za testiranje pojedinih igrača izvan takmičenja bez prethodne najave

1. NS/FS BiH provodi doping testiranja bez prethodne najave na osnovu individualnih boravišta igrača iz IRTP test grupe. U skladu sa planom rasporeda testiranja, Anti-doping jedinica bira pojedine igrače za testiranje metodom nasumičnog ili ciljanog izbora. Zatim Anti-doping jedinica identifikuje datum/e predmetnog/ih testiranja i pokušava utvrditi lokaciju izabranog igrača uvidom u podatke o boravištu koje je dostavio predmetni igrač, u skladu s tim planira pristup i vrijeme obavještanja, te šalje raspoloživog službenika za doping kontrolu na predmetnu lokaciju/e na predmetni datum/e da provede testiranje bez prethodne najave, obavještavajući ga o lokaciji na kojoj se igrač nalazi na predmetni datum/e.
2. U cilju uzimanja uzoraka za doping kontrolu izvan takmičenja bez prethodne najave, potrebno je napraviti razuman broj pokušaja da se igrač(i) obavijesti(e) o obavezi davanja uzorka. Službenik za doping kontrolu će evidentirati sve pokušaje obavještanja koje je učinio u tom periodu.
3. Kad je igrač maloljetan, ili u situacijama kada je potrebna i prisutnost prevodioca, službenik za doping kontrolu će razmotriti da li treba biti obaviještena neka treća strana prije obavještenja samom igraču.

4. Treba slijediti proceduru identifikacije igrača propisanu članom 2, stav 9. službenik za doping kontrolu igrača je dužan obavijestiti i o njegovim pravima, uključujući pravo igrača:

- a) da ima predstavnika i, ako je moguće, prevodioca;
- b) da traži dodatne informacije o postupku uzimanja uzorka;
- c) da traži odlaganje pojavljivanja u sobi za doping kontrolu iz valjanih razloga (kao što je ovdje propisano članom 4); i
- d) da traži izmjene zbog nesposobnosti,

kao i o njegovim obavezama, uključujući obavezu:

- a) da se javi na testiranje u roku od sat vremena izuzev ako ima valjane razloge za odlaganje;
- b) da ostane pod direktnom opservacijom, kako je ovdje propisano članom 4; i
- c) da ostane pod direktnom opservacijom službenika za doping kontrolu do okončanja postupka uzimanja uzorka.

5. Ukoliko službenik za doping kontrolu nije u stanju stupiti u kontakt s igračem nakon razumnih pokušaja na osnovu dostavljenih informacija o boravištu igrača, o tome će što je moguće prije izvijestiti Anti-doping jedinicu, kako je propisano u dodatku D (član 8, stav 1). Zatim će Anti-doping jedinica krenuti u postupak utvrđivanja da li je došlo do povrede obaveze dostavljanja podataka o boravištu u skladu sa dodatkom D.

4 Vrijeme pojavljivanja na testiranju

1. Od trenutka obavještenja pa dok igrač ne napusti sobu za doping kontrolu na kraju postupka uzimanja uzorka, igrač će cijelo vrijeme biti pod opservacijom.
2. Generalno, važi slijedeće: za kontrole u toku takmičenja, svaka predmetna asocijacija i/ili tim osiguraće da igrače koji su izabrani za doping testiranje pratioci otprate do sobe za doping kontrolu direktno sa terena za igru odmah nakon završetka utakmice. Za testiranje igrača iz NS/FS BiH IRTP test grupe bez prethodne najave, nakon što je igrač obaviješten, dužan se u roku jednog sata pojaviti u sobi koja je određena za doping kontrolu.
3. Službenik za doping kontrolu može po svom nahođenju odlučiti o bilo kojem razumnom zahtjevu ili molbi igrača da mu se dozvoli kasnije pojavljivanje u sobi za doping kontrolu, te može dati takvu dozvolu ako igrač može biti pod stalnom direktnom opservacijom tokom tog prolongiranog perioda i ako se zahtjev igrača odnosi na neku od ovih aktivnosti:

Za testiranje u toku takmičenja:

- a) učešće u ceremoniji dodjele nagrade;
- b) ispunjavanje obaveza prema medijima (npr. brzi intervjui, ali ne i pres konferencije);
- c) neophodni medicinski tretman;

- d) eventualne druge izuzetne okolnosti koje mogu biti opravdane, a koje moraju biti dokumentovane.

Za testiranje izvan takmičenja:

- a) dovršavanje treninga;
 - b) neophodni medicinski tretman;
 - c) pribavljanje foto-identifikacije;
 - d) eventualne druge izuzetne okolnosti koje mogu biti opravdane, a koje moraju biti dokumentovane.
4. Službenik za doping kontrolu dužan je dokumentovati eventualne razloge za odgađanje pojavljivanja igrača u sobi za doping kontrolu samo ukoliko je potrebna dalja istraga NS/FS BiH o tim razlozima. U Obrascu za doping-kontrolu 0-5 treba navesti eventualno nepridržavanje od strane igrača zahtjeva da bude pod stalnom opservacijom.
5. Službenik za doping kontrolu odbiće igračev zahtjev za odgađanje pojavljivanja u sobi za doping kontrolu ukoliko nije moguće obezbijediti da igrač bude pod stalnom pratnjom.
6. Ukoliko tokom držanja igrača pod stalnom opservacijom službenik za doping kontrolu primijeti bilo šta što potencijalno može kompromitovati test, on će prijaviti i dokumentovati te okolnosti. Ako službenik za doping kontrolu bude smatrao prikladnim, on će se epridržavati zahtjeva iz člana 22 ovog Pravilnika o anti-dopingu i/ili odlučiti da li bi bilo prikladno od igrača uzeti još jedan uzorak.

5 Soba za doping kontrolu

1. Soba za doping kontrolu treba da osigurava privatnost igrača i za testiranja u toku takmičenja će uvijek, a za testiranja bez prethodne najave kad je moguće, biti korištena isključivo kao soba za doping kontrolu dok traje uzimanje uzoraka. Službenik za doping kontrolu će evidentirati eventualna značajna odstupanja od ovih kriterija.

2. U slučaju doping testiranja u toku takmičenja, pristup u sobu za doping kontrolu dozvoljen je samo ovim osobama:
 - a) igračima koji su izabrani za testiranje;
 - b) službenom predstavniku iz dva učestvujuća tima, po mogućnosti ljekaru;
 - c) službeniku za doping kontrolu;
 - d) akreditovanom pomoćniku/cima službenika za doping kontrolu;
 - e) lokalnom dužnosniku, na zahtjev;
 - f) delegatu utakmice, na zahtjev;
 - g) generalnom koordinatorskom NS/FS BiH, na zahtjev;
 - h) nezavisnom posmatraču koji mora biti ljekar u skladu sa zahtjevima NS/FS BiH.

3. U slučaju doping testiranja bez prethodne najave tokom timskih aktivnosti, pristup u sobu za doping kontrolu dozvoljen je samo ovim osobama:
 - a) igračima koji su izabrani za testiranje;
 - b) osobi koja prati igrača, idealno bi bilo timski ljekar;

- c) službeniku za doping kontrolu;
- d) akreditovanom pomoćniku/cima službenika NS/FS BiH za doping kontrolu.

U slučaju doping testiranja pojedinih igrača bez prethodne najave pristup u sobu za doping kontrolu dozvoljen je samo ovim osobama:

- a) igraču koji je izabran za testiranje;
- b) osobi koja prati igrača, ili svjedoku kojeg odredi igrač;
- c) službeniku za doping kontrolu.

4. Igrači koji su izabrani za testiranje moraju ostati u čekaonici ispred sobe za doping kontrolu dok ne budu spremni da daju uzorke. Na takmičenjima, igračima će biti obezbijeđena bezalkoholna pića u neotvorenim i zapečaćenim plastičnim bočicama, od kojih će neke biti stavljene u frižider u sobi za doping kontrolu.

5. Za testiranje u toku takmičenja, lokalni organi bezbjednosti preduzeće potrebne mjere na osiguranju da nijedna osoba osim onih koji su ovlašteni u skladu sa ovim članom 5, stav 2, ne može ući u sobu za doping kontrolu. Ulaz u sobu za doping kontrolu će biti pod stalnim nadzorom. Odgovornost za bezbjednost tokom testiranja izvan takmičenja snose delegacije relevantnih timova. FIFAin službenik za doping kontrolu ima pravo da neovlaštenim osobama zabrani ulazak u sobu za doping kontrolu.

6. U izuzetnim okolnostima, službenik za doping kontrolu može igraču dozvoliti da napusti sobu za doping kontrolu, pod uslovom da je sa igračem dogovorio sljedeće uslove takve dozvole:

- a) svrhu igračevog napuštanja sobe za doping kontrolu;

- b) vrijeme vraćanja (ili vraćanje nakon dogovorene aktivnosti);
- c) da igrač mora cijelo vrijeme ostati pod opservacijom.

Službenik NS/FS BiH za doping kontrolu će dokumentovati stvarno vrijeme igračevog odlaska i povratka.

6 Vođenje postupka uzimanja uzoraka:

Uzimanje uzoraka urina

1. FIFAin službenik za doping kontrolu odgovoran je za proceduru uzimanja uzoraka, naročito za osiguranje da je uzorak pravilno uzet, identifikovan i zapečaćen. Dužan je uporediti identitet igrača s igračevom akreditacijom ili drugim identifikacionim dokumentom i Obrascem za doping kontrolu 0-2 (za timove) ili 0-1 (za pojedinačne igrače). Takođe je dužan osigurati da igrač bude obaviješten o svojim pravima i obavezama i zahtjevima procedure davanja uzoraka.
2. Službenik za doping kontrolu u Obrascu za doping kontrolu 0-3 evidentira podatke o uzimanju uzoraka tokom ili izvan takmičenja, navodeći da li je se radilo o uzimanju uzoraka na osnovu prethodnog obavještenja ili bez prethodnog obavještenja, datum, ime igrača, igračev broj i tim, ako je to slučaj.
3. Prvo, igraču se nudi izbor opreme za davanje uzorka koja ispunjava zahtjeve propisane Međunarodnim standardom za testiranje. Sam igrač će izabrati:
 - a) zapečaćenu i sterilisanu posudu za urin;

- b) kutiju u kojoj se nalaze dvije zapečaćene i numerisane bočice, jedna označena kao uzorak „A” a druga kao uzorak „B”.

Službenik za doping kontrolu i igrač provjeriće da li se svi kodni brojevi podudaraju i da li je službenik za doping kontrolu tačno unio kodni broj u Obrazac za doping kontrolu 0-3. Ukoliko se brojevi ne podudaraju, igrač će uzeti drugu kutiju a službenik za doping kontrolu će to evidentirati u Obrascu za doping kontrolu 0-3.

4. Službenik za doping kontrolu će igrača instruirati da provjeri jesu li svi pečati na izabranoj opremi netaknuti i jeli neko dirao opremu. Ukoliko igrač nije zadovoljan izabranom opremom, može izabrati drugu. Ukoliko igrač nije zadovoljan ni sa jednom opremom koja mu je ponuđena na izbor, službenik za doping kontrolu će to evidentirati.

Ukoliko se službenik za doping kontrolu ne složi s igračem oko toga da je sva oprema koja je na raspolaganju za izbor nezadovoljavajuća, on će igrača instruirati da nastavi s davanjem uzorka.

Ukoliko se službenik za doping kontrolu složi s igračem oko toga da je sva oprema koja je na raspolaganju za izbor nezadovoljavajuća, on će prekinuti uzimanje igračevog uzorka urina i to će evidentirati službenik za doping kontrolu.

5. Igrač će pod kontrolom držati opremu za davanje uzorka i svaki uzorak koji obezbijedi do pečaćenja uzorka. Igraču može pomagati osoba u pratnji igrača ili službenik za doping kontrolu kako ga ovlasti igrač.
6. Službenik za doping kontrolu ili njegov pomoćnik krenuće u zaštićen prostor radi uzimanja uzorka. Igrač će zatim urinirati u posudu pod direktnim nadzorom službenika za doping kontrolu ili njegovog pomoćnika koji mora biti istog pola kao

i igrač. službenik za doping kontrolu ili njegov pomoćnik dužni su osigurati nesmetan pogled na uzorak koji izlazi iz tijela igrača.

Ukupna zapremina urina u bočicama „A” i „B” iznosiće najmanje 90ml. službenik za doping kontrolu će pred igračem provjeriti da li je uzorak urina obezbijeđen u zapremini koja je dovoljna za analizu i upisati zapreminu urina. Ako je zapremina urina nedovoljna, službenik za doping kontrolu dužan je obavijestiti igrača da će se uzeti još jedan uzorak i provesti procedura propisana ovim članom 6, stav 13. Odluka o tome ostaje na službeniku za doping kontrolu. U Obrascu za doping kontrolu 0-3 treba evidentirati vrijeme uzimanja parcijalnog i kompletnog uzorka.

7. Igrač će odlučiti da li će službenik za doping kontrolu presuti urin u bočice. Ta odluka će biti dokumentovana napismeno u Obrascu za doping kontrolu 0-3. Ukoliko igrač odluči da to uradi sam, službenik za doping kontrolu će mu objasniti proceduru. Bočica „B” treba biti napunjena najmanje sa 30ml, a ostatak urina od najmanje 60ml pretočen u bočicu „A”. Ukoliko preostane neka količina urina, službenik za doping kontrolu će se pobrinuti da igrač puni prvo bočicu „A” a zatim bočicu „B” do nivoa koji se preporučuje u upustvu proizvođača opreme. službenik za doping kontrolu će instruirati igrača da jednu malu količinu urina ostavi u posudi u koju je urinirao, radi testiranja preostalog urina u skladu sa ovim članom 6, stav 9.
8. Nakon presipanja uzorka urina u bočice „A” i „B”, igrač će odlučiti da li će ih zapečatiti on ili službenik za doping kontrolu. Igrač i službenik za doping kontrolu će osigurati da bočice budu pravilno zapečaćene i uporediti kodne brojeve na obje bočice, čepove na bočicama, te još jednom provjeriti pojedinosti unesene u Obrazac za doping kontrolu 0-3.
9. Službenik za doping kontrolu će provjeriti specifičnu težinu koristeći ostatak urina u posudi za uriniranje, te evidentirati rezultat u Obrascu za doping kontrolu 0-3. Nakon toga, igrač može zahtijevati da se preostali urin koji se neće koristiti za analizu prospe u odvod u njegovom prisustvu. Ukoliko uzorak nema odgovarajuću specifičnu težinu koja je potrebna za analizu, službenik za doping kontrolu dužan je obavijestiti igrača da se od njega zahtijeva još jedan uzorak i provesti proceduru kako je predviđeno ovdje članom 6, stav 14.

10. Zatim će igrač, osoba koja je u njegovoj pratnji (ako je to slučaj) i službenik za doping kontrolu potpisati Obrazac za doping kontrolu 0-3.
11. Nakon toga će službenik za doping kontrolu popuniti Obrazac za doping kontrolu 0-4, pružajući ove informacije: naziv takmičenja (ako je to slučaj, u suprotnom zaokružiti opciju „izvan takmičenja”) utakmice, broj utakmice (ako je to slučaj), mjesto, datum, kodni broj uzoraka „A” i „B” i specifičnu težinu uzoraka urina, te potpisati obrazac.
12. Službenik za doping kontrolu će uzorke „A” i „B” svakog testiranog igrača, zajedno sa žutom kopijom Obrasca za doping kontrolu 0-4, lično odnijeti u laboratoriju ili poslati kurirom. U ovom drugom slučaju, kurir je dužan službeniku za doping kontrolu dati jedan primjerak obrasca za lanac čuvanja uzorka, koji potpisuju obojica, a kojim se potvrđuje da će uzorak za doping kontrolu biti pravilno transportovan u odgovarajućim posudama i valjano isporučen.

Procedura ukoliko nije obezbijeđena propisana zapremina urina od 90ml

13. Igrač će izabrati kutiju kako je propisano ovim članom 6, stav 3. Otvoriće samo bočicu „A” i izabrati set za privremeno pečačenje (sredstvo za privremeno pečačenje i numerisanu sigurnosnu traku). Igrač ili službenik za doping kontrolu (kako je predviđeno ovim članom 6, stav 7) presuće urin u bočicu „A” i zapečatiti je, koristeći sredstvo za privremeno pečačenje prije zamjene čepa na bočici. Zatim će bočicu „A” vratiti u kutiju, u kojoj se nalazi i bočica „B”, te je zapečatiti sigurnosnom trakom čiji je broj evidentiran u Obrascu za doping kontrolu 0-3.

Službenik za doping kontrolu i igrač će provjeriti da li su kodni broj, zapremina i identitet nedovoljnog uzorka tačno upisani u Obrazac za doping kontrolu 0-3. Zapečaćena kutija ostaje pod kontrolom službenika za doping kontrolu ili igrača.

Igrač će se zatim vratiti u čekaonicu. Čim igrač bude u stanju dati drugi uzorak urina, on će izabrati novu, zapečaćenu i sterilisanu posudu za uriniranje i ponoviti postupak davanja urina kako je propisano ovdje članom 6.

Nakon provjere pečata sredstva za privremeno pečaćenje, službenik za doping kontrolu ili igrač (kako je propisano članom 6, stav 7) će urin iz bočice „A” presuti u posudu za uriniranje u kojoj se već nalazi svježe dat urin. Eventualnu neregularnost u vezi integriteta pečata službenik za doping kontrolu će evidentirati i istražiti u skladu sa članom 22 ovog Pravilnika o anti-doping.

Ukoliko je zapremina urina i dalje ispod 90ml, postupak treba opet ponoviti. Kad se obezbijedi zapremina urina od 90ml, procedura se nastavlja kako je predviđeno ovim članom 6, stavovi 8-12.

Procedura ukoliko uzorak urina ne ispunjava zahtjev u vezi odgovarajuće specifične težine potrebne za analizu

14. Kada je igrač u stanju da obezbijedi dodatni uzorak, službenik za doping kontrolu će ponoviti proceduru uzimanja uzorka kako je predviđeno ovim članom 6, stavovi 8-12.

Službenik za doping kontrolu nastaviće uzimati dodatne uzorke sve dok se ne ispuni zahtjev za odgovarajuću specifičnu težinu potrebnu za analizu, ili dok službenik za doping kontrolu ne odredi da postoje izuzetne okolnosti, što znači da je iz logističkih razloga nemoguće nastaviti s uzimanjem uzorka. Takve izuzetne okolnosti službenik za doping kontrolu mora adekvatno dokumentovati. U takvim uslovima, ukoliko je to slučaj, NS/FS BiH može istraživati moguću povredu anti-doping pravila.

Službenik za doping kontrolu upisaće činjenicu da uzeti uzorci pripadaju istom igraču i redoslijed po kojem su uzorci obezbijeđeni. Zatim će sve uzorke, neovisno od njihove specifične težine, poslati u laboratoriju na analizu. Laboratorija će sa NS/FS BiHHodrediti koji uzorci trebaju biti analizirani.

7 Vođenje postupka uzimanja uzorka:

uzimanje uzoraka krvi

1. plan rasporeda testiranja NS/FS BiH definiše od kojih igrača koji su određeni za doping kontrolu će se uzimati uzorci krvi.
2. Na takmičenju će jedan dio sobe za doping kontrolu biti odijeljen za postupak uzimanja uzoraka krvi.
3. Generalno, uzimanje uzoraka krvi od igrača odvijaće se prije davanja uzorka urina.
4. Službenik za doping kontrolu će izabranim igračima objasniti postupak uzimanja uzorka krvi tako da oni na početku shvate postupak i potrebu da ga ispoštuju.

Prije uzimanja uzoraka krvi, igrače treba pitati:

- a) da li su shvatili postupak i svrhu uzimanja uzorka;
- b) da li su uzimali lijekove koji mogu uticati na postupak vađenja krvi (naročito one koje utiču na zgrušavanje krvi), npr. aspirin, warfarin, nesteroidne protivupalne agense; posebnu pažnju treba posvetiti pitanju hemostaze za te igrače);
- c) da li imaju ikakav poremećaj krvarenja koji može uticati na vrijeme zgrušavanja.

5. Službenici za doping kontrolu odgovorni su za:
- a) higijenu i sterilnu tehniku;
 - b) rukovanje opremom za uzimanja uzorka krvi;
 - c) rukovanje uzorcima krvi, npr. miješanje anti-koagulanata;
 - d) osiguranje da je svaki uzorak pravilno uzet, identifikovan, zapečaćen, čuvan i odaslan;
 - e) odgovaranje na relevantna pitanja tokom davanja i/ili uzimanja uzorka i briga o igračima nakon uzimanja uzorka.
6. Pozivajući se na član 6, stavovi 3-5, igračima će biti data mogućnost izbora opreme za uzimanje uzorka krvi koja sadrži dvije kutije sa istim kodnim brojem.
7. Službenik za doping kontrolu ili pomoćnik će tokom postupka nositi sterilne rukavice, a rukovanje uzorcima dozvoljeno je samo njima i igračima.
8. Službenik za doping kontrolu će kožu očistiti sterilnim dezinfekcijskim sredstvom i, po potrebi, koristiti stezač. Vađenje krvi će se izvesti spretno intravenoznom špricom (lege artis) koja isključuje svaki zdravstveni rizik, iako ostaje rizik za pojavu lokalnih hematoma.

9. Zapremina izvađene krvi treba biti dovoljna da ispuni relevantne analitičke parametre za planiranu analizu uzorka, a krv će se vaditi iz vene, po mogućnosti neke površinske vene s unutrašnje strane podlaktice, dok igrač sjedi na stolici s rukom položenom na odgovorajuću podlogu. Službenik za doping kontrolu će na mjesto/a uboda staviti sterilan zavoj/vatu.
10. Ukoliko je zapremina krvi koja se mogla izvaditi u prvom pokušaju nedovoljna, službenik za doping kontrolu će ponoviti proceduru. Biće napravljena najviše dva pokušaja. Ukoliko svi pokušaju budu neuspješni, službenik za doping kontrolu prekinuće uzimanje uzorka krvi i evidentirati to, kao i razloge prekida uzimanja uzorka u Obrascu za doping kontrolu 0-3B.
11. Ako se nakon vađenja male zapremine krvi vene igrača stisnu, proceduru treba ponoviti na drugoj ruci da bi se dobila dovoljna zapremina krvi.
12. Ukoliko je za uzorak potrebno dalje obrađivanje na licu mjesta, kao što je centrifugiranje ili separisanje seruma, igrač mora ostati da prati uzorak sve do pečačenja istog u sigurnu posudu na kojoj bi se vidjelo da li je neko ometao uzorak.
13. Igrač će odlučiti da li će on ili službenik za doping kontrolu zapečatiti kutiju nakon što FIFAin službenik za doping kontrolu ili njegov pomoćnik završi postupak uzimanja krvi. službenik za doping kontrolu će pred igračem provjeriti da li pečat zadovoljava. Zatim će službenik za doping kontrolu kodiranu, zapečaćenu kutiju sa uzorkom igračeve krvi staviti u rashladnu torbu za prenošenje.
14. Službenik za doping kontrolu će ukloniti korištenu opremu za uzimanje krvi koja nije potrebna za kompletiranje postupka uzimanja uzorka u skladu sa traženim lokalnim standardima za rukovanje krvlju.
15. Prije transporta iz sobe za doping kontrolu do laboratorije, zapečaćeni uzorak će biti čuvan na način kojim se štiti njegov intergitet, identitet i sigurnost.

8 Zahtjevi za uzimanje uzoraka

1. Službenik za doping kontrolu će u Obrascu za doping kontrolu 0-5 evidentirati svako ponašanje igrača i/ili osoba vezanih za igrače ili anomalije koje potencijalno mogu kompromitovati uzimanje uzorka. Ukoliko je prikladno, Anti doping jedinica istražiće eventualno nepoštivanje iz člana 22 ovog Pravilnika o anti-dopingu.
2. Službenik za doping kontrolu dužan je igraču pružiti mogućnost da dokumentuje svoju eventualnu zabrinutost oko vođenje postupka uzimanja uzorka.
3. Kod vođenja postupka uzimanja uzorka, kao minimum biće evidentirane ove informacije:
 - a) datum, vrijeme i vrsta poziva za doping kontrolu (bez prethodne najave, uz prethodnu najavu, tokom takmičenja, izvan takmičenja);
 - b) takmičenje/lokacija, datum i vrijeme davanja uzorka;
 - c) igračevo ime i broj;
 - d) naziv igračevog tima;
 - e) ime igračevog ljekara i/ili osobe u pratnji igrača (tokom timskih aktivnosti);
 - f) kodni broj uzorka;

- g) potrebne laboratorijske informacije o uzorku;
 - h) lijekovi i suplementi koji su uzimani i podaci o skorijim transfuzijama krvi (ako ih je bilo) kako je prijavio timski ljekar/igrač;
 - i) eventualne neregularnosti u postupku;
 - j) igračevi komentari ili zabrinutosti u vezi provođenja postupka uzimanja uzorka, ako ih ima;
 - k) ime i potpis igračevog ljekara i/ili osobe u pratnji igrača (ako je to slučaj);
 - l) ime i potpis igrača;
 - m) ime i potpis službenika za doping kontrolu.
4. Nakon zaključenja postupka uzimanja uzorka, igrač i službenik za doping kontrolu potpisat će odgovarajuću dokumentaciju u cilju izjave da su zadovoljni kako dokumentacija vjerno odražava pojedinosti o provedenom postupku uzimanja igračevog uzorka, uključujući i eventualne zabrinutosti igrača koje su evidentirane. Tokom timskih aktivnosti, igračev ljekar i/ili osoba u pratnji igrača, potpisat će dokumentaciju kao svjedok postupka. Kod individualnog testiranja, osoba u pratnji igrača ili svjedok, ako je to slučaj, potpisat će dokumentaciju.
5. Službenik za doping kontrolu dužan je igraču obezbijediti primjerak Obrasca za doping-kontrolu 0-3 o postupku uzimanja uzorka koji je igrač potpisao.

9 Administracija nakon testiranja

1. Anti-doping jedinica definisaće kriterije koji osiguravaju da će svaki uzorak biti čuvan na način koji štiti njegov integritet, identitet i sigurnost prije transportovanja od sobe za doping kontrolu do laboratorije. Službenik za doping kontrolu osiguraće da svaki uzorak bude čuvan u skladu s tim kriterijima.
2. Anti-doping jedinica razradiće jedan sistem kojim će se osigurati da dokumentacija za svaki uzorak bude popunjena i da se s njom rukuje na siguran način.
3. Anti-doping jedinica će osigurati da uputstva o vrsti analize koju treba provesti budu propisana u dogovoru sa laboratorijom izabranom u skladu sa poglavljem VII ovog Pravilnika o anti-dopingu.

10 Transportovanje uzoraka i dokumentacije

1. Anti-doping jedinica će autorizovati sistem transportovanja koji osigurava da će uzorci i dokumentacija biti transportovani na način koji štiti njihov integritet, identitet i sigurnost.
2. Uzorci uvijek moraju biti transportovani u laboratoriju izabranu u skladu sa poglavljem VII ovog Pravilnika o anti-dopingu, koristeći metod transportovanja uzoraka koji je odobrio NS/FS BiH, čim bude praktično moguće nakon zaključenja postupka uzimanja uzoraka. Uzorci moraju biti transportovani na način koji na minimum svodi mogućnost degradacije uzorka usljed faktora kao što su kašnjenja i ekstremne varijacije temperatura.

3. Dokumentacija koja identifikuje igrača ne smije biti priložena uz uzorke ili dokumentaciju poslanu laboratoriji izabranoj u skladu sa poglavljem VII ovog Pravilnika o anti-dopingu.
4. Službenik za doping kontrolu dužan je Anti-doping jedinici poslati svu relevantnu dokumentaciju o postupku uzimanja uzorka koristeći kurirsku službu koju je odobrio NS/FS BiH čim to bude praktično moguće nakon zaključenja postupka uzimanja uzoraka.
5. Anti-doping jedinica će kontrolisati lanac čuvanja u smislu da li je primalac potvrdio primitak bilo uzoraka s pratećom dokumentacijom ili dokumentacije o postupku uzimanja uzorka, ili da li su mogli biti kompromitovani integritet ili identitet uzorka tokom transporta. U tom slučaju, Anti-doping jedinica će razmotriti da li će uzorak biti proglašen nevažećim.
6. NS/FS BiH je dužan čuvati dokumentaciju koja se odnosi na postupak uzimanja uzorka i/ili povredu anti doping pravila najmanje osam godina u skladu s poglavljem XV ovog Pravilnika o anti-dopingu.

DODATAK F.

- OBRASCI ZA DOPING KONTROLU

Obrazac za doping kontrolu 0-1

NS/FS BiH

takmičenje _____ izvan takmičenja

LISTA PREPISANIH LIJEKOVA

Utakmica: _____ Broj utakmice: _____ Datum: _____

Kanton: _____ Mjesto igranja _____

Ime timskog ljekara: _____

potvrđuje u skladu s informacijama s kojima raspolaže, da su navedeni igrači uzimali sljedeće lijekove i/ili suplemente u zadnja 72 sata prije utakmice:

Ime	Broj	Supstanca, doza, dijagnoza, kad i na koliko dugo je prepisan lijek i način uzimanja

Datum _____

Potpis timskog ljekara: _____

- 1) Anti-Doping jedinica NS/FS BiH(original)
- 2) službenik NS/FS BiH za doping kontrolu (plava)
- 3) Timski ljekar (roza)

Nogometni/Fudbalski savez BiH

Ferhadija 30, 71000 Sarajevo BiH
Tel.: +38733276660 Fax: +38733444332
www.nfsbih.ba

Obrazac za doping kontrolu 0-2

NS/FS BiH

takmičenje _____ izvan takmičenja

POZIV NA DOPING TESTIRANJE

Dole imenovani igrač je izabran za doping testiranje i od njega se traži da se pojavi u sobi za doping kontrolu **odmah nakon utakmice**. Može doći u pratnji jedne osobe (ljekara, trenera ili člana stručnog štaba tima).

Timski ljekar, trener ili član stručnog štaba odgovoran je za obavještanje izabranog igrača.

Igrač je dužan pri dolasku na doping testiranje sa sobom donijeti ovaj obrazac i svoju akreditaciju.

Odbijanje podvrgavanja testiranju na doping ili pokušaji manipulisanja istog imaće iste posljedice kao pozitivan rezultat doping testa.

Utakmica: _____ Broj utakmice: _____

Datum: _____ Mjesto igranja _____

članica: _____

Ime igrača _____

Broj igrača _____

Potpis: službenik NS/FS BiHza doping kontrolu: _____ : _____

- 1) Anti-Doping jedinica (original)
- 2) službenik za doping kontrolu (plava)
- 3) Igrač (roza)
- 4) generalni koordinator (zelena)

Nogometni savez BiH

Ferhadija 30 , 71000 Sarajevo BiH Tel.: +38733276660 Fax: +38733444332
www.nfsbih.ba

Obrazac za doping kontrolu 0-3

NS/FS BiH

takmičenje _____ izvan takmičenja

REGISTROVANJE UZORKA URINA

Utakmica: _____ Broj utakmice: _____ Datum: _____

Članica: _____ Mjesto igranja _____

Ime igrača: _____ Broj: _____

U pratnji: _____

igrač je taj koji će sam rukovati uzorkom urina. Obaviješten je o toku postupka.

na zahtjev igrača, službenik za doping kontrolu će rukovati uzorkom urina

1) Igrač je obezbijedio djelomičan uzorak urina _____ minuta nakon utakmice / obavještenja, koji je zapečaćen s:

sigurnosnom trakom broj: _____

igračevim potpisom: _____

2) Igrač je obezbijedio kompletan uzorak urina _____ minuta nakon utakmice / obavještenja

Uzorak urina je podijeljen u dvije bočice

označene sa „A” i „B” i kodnim brojem: _____

Specifična težina: _____ Igrač odbio da obezbijedi uzorak urina DA NE

Igrač ovim potvrđuje da se kodni brojevi na bočicama „A” i „B” podudaraju i da su čepovi bočica provjereni, te da su podaci navedeni u ovom obrascu 0-3 tačni.

Komentar igrača o postupku uzimanja uzorka: _____

Potpisi: Igrač: _____

Osoba u pratnji igrača: _____

FIFAIN službenik za doping kontrolu: _____ :

- 1) Anti-Doping jedinica (original)
- 2) službenik za doping kontrolu (plava)
- 3) Igrač (roza)

Nogometni/Fudbalski savez BiH

Ferhadija 30, 71000 Sarajevo BiH Tel.: +38733276660 Fax: +38733444332
www.nfsbih.ba

Obrazac za doping kontrolu 0-3B

NS/FS BiH

FIFAINO takmičenje _____ izvan takmičenja

REGISTROVANJE UZORKA KRVI

Utakmica: _____ Broj utakmice: _____ Datum: _____

Članica: _____ Mjesto igranja _____

Ime igrača: _____ Broj: _____

U pratnji: _____

Igrač je dobrovoljno dao uzorak krvi _____ minuta nakon utakmice /obavještenja

Uzorak krvi je stavljen u epruvetu pod vakumom zapremine 10ml označenu kodnim brojem: _____

Zatim je ta epruveta pod vakumom u kojoj se nalazi uzorak igračeve krvi stavljena i zapečaćena u bočicu označenu kodnim brojem:

Igrač ovim potvrđuje da se kodni brojevi bočice u kojoj se nalazi uzorak krvi podudaraju i da su podaci navedeni u ovom obrascu 0-3B tačni.

Potpisi: Igrač: _____

Osoba u pratnji igrača: _____

FIFAIN službenik za doping kontrolu: _____:

- 1) generalni sekretar (original)
- 2) službenik za doping kontrolu (plava)
- 3) Igrač (roza)

Nogometni/Fudbalski savez BiH

Ferhadija 30, 71000 Sarajevo BiH Tel.: +38733276660 Fax: +38733444332
www.nfsbih.ba

- 1) Anti-Doping jedinica (original)
- 2) službenik za doping kontrolu (plava)
- 3) Laboratorija za doping testiranje (roza)

Nogometni/Fudbalski savez BiH

Ferhadija 30, 71000 Sarajevo BiH Tel.: +38733276660 Fax: +38733444332
www.nfsbih.ba

Obrazac za doping kontrolu 0-4 B

NS/FS BiH

takmičenje _____ izvan takmičenja

**EVIDENCIJA O UZORKU KRVI ZA
LABORATORIJU ZA DOPING KONTROLU**

Utakmica: _____ Broj utakmice: _____

Mjesto igranja _____ Datum: _____

Nogometni/Fudbalski savez BiH

Ferhadija 30, 71000 Sarajevo, BiH Tel.: +38733276660 Fax: +38733444332
www.nfsbih.ba

Obrazac za doping kontrolu 0-5

NS/FS BiH

takmičenje _____ izvan takmičenja

NEODAZIVANJE NA TESTIRANJE

Utakmica: _____ Broj utakmice: _____ Mjesto igranja _____

Članica: _____

Igrač _____ Broj: _____ nije ispoštovao postupak davanja uzorka kako je propisano FIFAinim Pravilnikom o anti-dopingu u pogledu sljedećih obaveza:

Nije se javio u definisanom roku u sobu za doping kontrolu

Razlog za kašnjenje u javljanju u sobu za doping kontrolu: _____

Nije bio pod stalnom opservacijom od trenutka obavještanja do okončanja postupka davanja uzorka

Komentar _____ : _____

Ponašanje igrača i/ili osoba koji su vezane za igrača ili anomalije koje potencijalno mogu kompromitovati uzimanje uzorka:

Komentar _____ : _____

Datum: _____ službenik za doping kontrolu: _____

- 1) Anti-Doping jedinica (original)
- 2) službenik za doping kontrolu (plava)
- 3) Igrač (roza)

Nogometni/Fudbalski savez BiH

Ferhadija 30, 71000 Sarajevo, BiH Tel.: +38733276660 Fax: +38733444332
www.nfsbih.ba

**DODATAK G. SPISAK LABORATORIJA KOJE JE AKREDITOVALA
SVJETSKA ANTI-DOPING AGENCIJA (WADA)**

AUSTRALIJA

Sydney

Australian Sports Drug Testing

Laboratory (ASDTL)

National Measurement Institute

1 Suakin Street

AU-Sydney, NSW 2073

Director: Dr Rymantas Kazlauskas

Tel.: (61.2) 94 49 01 11

Fax: (61.2) 94 49 80 80

E-mail: ray.kazlauskas@

measurement.gov.au

AUSTRIJA

Seibersdorf A

Austrian Research Centers GmbH

ARC Doping Control Laboratory

A-2444 Seibersdorf

Director: Dr Günter Gmeiner

Tel.: (43) 50 550 35 39

Fax: (43) 50 550 35 66

E-mail: guenter.gmeiner@arcs.ac.at

BELGIJA

Ghent

DoCoLab Universiteit Gent -UGent

Technologiepark 30

B-9052 Zwijnaarde

Director: Prof. F. T. Delbeke

Tel.: (32.9) 331 32 90

Fax: (32.9) 331 32 99

E-mail: frans.delbeke@UGent.be

NARODNA REPUBLIKA KINA

Peking

National Anti-Doping Laboratory

China Anti-Doing Agency

1, An Ding Road, CN-Beijing 100029

Director: Dr Moutian Wu

Tel.: (86.10) 64 98 05 25

Fax: (86.10) 64 91 21 36

E-mail: moutianw@public.bta.net.cn

KOLUMBIJA

Bogota

Laboratorio de Control al Dopaje

Coldeportes Nacional Bogota

Calle 63, No. 47-06

CO-7652 Bogotá D.C.

Director: Dr Gloria Gallo Isaza

Tel.: (57.1) 608 33 16

Fax: (57.1) 250 42 02

E-mail: ggallo@coldeportes.gov.co

gigal2003@yahoo.es

KUBA

Havana

Antidoping Laboratory

Sports Medicine Institute

Calle 100 esquina a Aldabo. Boyeros

Director: Dr M. Jose Granda Fraga

Tel.: (537) 643 76 83

Fax: (537) 643 77 76

E-mail: antidop@inder.co.cu

Ciudad de la Habana, Cuba CP 10800

BRAZIL

Rio de Janeiro

LABDOP-LADETEC/IQ-UFRJ

Rio de Janeiro Doping Control

Laboratory

Centro de Tecnologia-Bloco A –

Sala 607

Ilha do Fundão-Cidade Universitária

RJ-21949-900 Rio de Janeiro, Brazil

Director:

Prof. Francisco Radler de Aquino Neto

Tel.: (55.21) 2562 7130-2562 7134

Fax: (55.21) 2260 3967-2562 7489

E-mail: ladetec@iq.ufrj.br

ČEŠKA REPUBLIKA

Prague

General Faculty Hospital

Department of Doping Control

Nehvizdska 8

CZ-198 00 Prague 9

Head of the Laboratory:

Dr R. Slechtova

Tel./Fax: (420.2) 818 62 332

(420.2) 818 61 733

E-mail: odkusm@mbox.vol.cz

KANADA

Montreal

Laboratoire de contrôle du dopage

INRS - Institut Armand-Frappier

531, boul. des Prairies

CA-Laval (Québec) H7V 1B7

Director: Prof. Christiane Ayotte

Tel.: (1.450) 686 54 42

Fax: (1.450) 686 56 14

E-mail: christiane.ayotte@iaf.inrs.ca

FINSKA

Helsinki

United Laboratories Ltd.

Doping Control Laboratory

Höyläämötie 14

FI-00380 Helsinki

Technical Director: Mr Antti Leinonen

Tel.: (358.9) 50 60 54 42

Fax: (358.9) 50 60 54 20

E-mail: [antti.leinonen@](mailto:antti.leinonen@yhtyneetlaboratoriot.fi)

yhtyneetlaboratoriot.fi

FRANCUSKA

Paris

Agence Française de Lutte contre e Dopage (AFLD)

Département des Analyses

143, Avenue Roger Salengro

F-92290 Châtenay-Malabry

Director: Prof. Jacques de Ceaurriz

Tel.: (33.1) 46 60 28 69

Fax: (33.1) 46 60 30 17

E-mail: analyses@afl.d.fr

NJEMAČKA

Keln

German Sports University

Laboratory for Doping Analysis

Carl-Diem-Weg 6

DE-50933 Cologne

Director: Prof. Wilhelm Schanzer

Tel.: (49.221) 498 24 920

Fax: (49.221) 497 32 36

E-mail: schaezner@

biochem.dshs-koeln.de

NJEMAČKA

Kreischa

Institute of Doping Analysis and

Sports Biochemistry (IDAS)

Dresdner Strasse 12

DE-01731 Kreischa bei Dresden

Director: Dr Joachim Grosse (Interim)

Tel.: (49.352) 06 20 60

Fax: (49.352) 06 20 620

E-mail: info@idas-kreischa.de

UJEDINJENO KRALJEVSTVO

London

Drug Control Centre

King's College London

The Franklin-Wilkins Building

150 Stamford Street

GB-LONDON SE1 9NH

Director: Prof. David Cowan

Tel.: (44.20) 7848 48 48

Fax: (44.20) 7848 49 80

E-mail: david.cowan@kcl.ac.uk

GRČKA

Athens

Doping Control Laboratory of Athens

OAKA, Kifissias 37

GR-15123 Maroussi/Athens

Director: Dr Costas Georgakopoulos

Tel.: (30.210) 683 45 67

Fax: (30.210) 683 40 21

E-mail: oaka@ath.forthnet.gr

INDIJA

New Delhi

National Dope Testing Laboratory

Sports Authority of India

2nd Floor

Gate No. 22

Jawaharlal Nehru Stadium

INDIA-New Delhi – 110003

Scientific Director: Dr Shila Jain

Tel.: (91.11) 2436 55 30

Fax: (91 11) 2436 88 50

E-mail: ndtlindia@nic.in

ITALIJA

Rome

Laboratorio Antidoping

Federazione Medico Sportiva Italiana

Largo Giulio Onesti 1

IT-00197 Roma RM

Scientific Director: Dr Francesco Botre

Tel.: (39.06) 368 59 600

Fax: (39.06) 807 89 71

E-mail: francesco.botre@uniroma1.it

JAPAN

Tokyo

Mitsubishi Chemical Medience Corporation

Anti-Doping Center

3-30-1 Shimura, Itabashi-ku

JP-Tokyo 174 – 8555

Director: Mr. Shinji Kageyama

Tel.: (81.3) 5994 23 51

Fax: (81.3) 5994 29 90

E-mail: Kageyama.Shinji@

mk.medience.co.jp

KOREJA

Seoul

Doping Control Center

Korea Institute of Science and Technology

P.O. Box 131

Cheongryang

KR-130-650 Seoul

Director: Dr Changbae Jin

Tel.: (82.2) 958 50 69

Fax: (82.2) 958 50 59

E-mail: cbjin@kist.re.kr

MALEZIJA

Penang

Doping Control Centre Penang

Universiti Sains Malaysia

MY-11800 Minden, Penang

Director: Dr Aishah A. Latiff

Tel.: (60.4) 659 56 05

Fax: (60.4) 656 98 69

E-mail: aishah@dccusm.my

NORVEŠKA

Oslo

Hormone Laboratory

Section for Doping Analysis

Aker University Hospital

Trondheimsveien 235

NO-0514 Oslo

Scientific Director:

Prof. Dr P. Hemmersbach

Tel.: (47.22) 89 43 68/89 40 07

Fax: (47.22) 89 41 51

E-mail: peter.hemmersbach@

farmasi.uio.no

dopinganalyse@h-lab.no

PORTUGAL

Lisbon

Laboratório de Análises e Dopagem

Instituto do Desporto de Portugal

Av. Professor Egas Moniz

(Estádio Universitário)

PT-1600-190 Lisboa

Director: Dr Michael Sekera

Tel.: (351.21) 796 40 00

Fax: (351.21) 797 59 49

E-mail: lad@idesporto.pt

POLJSKA

Warsaw

Department of Anti-Doping

Research Institute of Sport

Trylogii 2/16, PL-01-982 Warsaw

Director: Dr Dorota Kwiatkowska

Tel.: (48.22) 834 94 05

Fax: (48.22) 835 09 77

E-mail: antydoping.dep@insp.waw.pl

dorota.kwiatkowska@insp.waw.pl

RUMUNIJA

Bucharest

Romanian National Anti-Doping Agency**Research and Doping Control Department**

37-39, Basarabia Blvd.,

District 2, 022103, Bucharest

Director Dr. Mia Lamor

Tel.: +40 (21) 3115541

Fax: +40 (21) 3184703

E-mail: m.lamor@anad.gov.ro

RUSIJA

Moscow

Antidoping Centre Moscow

Elizavetinskii projezd, 10

RU-107005 Moscow

Director: Dr Grigory Rodchenkov

Tel.: (70.95) 261 92 22

Fax: (70.95) 267 73 20

E-mail: grodchen@yandex.ru

JUŽNA AFRIKA

Bloemfontein

South African Doping

Control Laboratory

Department of Pharmacology

University of the Free State

P.O. Box 339 (G6)

ZA-9300 Bloemfontein

Director: Dr Pieter J. van der Merwe

Tel.: (27 51) 401 31 82

Fax: (27 51) 444 15 23

E-mail: gnfmpvdm.md@ufs.ac.za

ŠPANIJA

Barcelona

Institut Municipal d'Investigació

Mèdica

Unitat de Farmacologia

c/ Doctor Aiguader, 88

ES-08003 Barcelona

Director: Prof. Jordi Segura

Tel.: (34.93) 316 04 00

Fax: (34.93) 316 04 10

E-mail: jsegura@imim.es

ŠPANIJA

Madrid

Laboratorio de Control del Dopaje del Consejo Superior de Deportes

Madrid, Spain

c/ El Greco, s/n, ES-28040 Madrid

Director:

Dr Agustin-Francisco Rodríguez Cano

Tel.: (34.91) 589 68 90/88

Fax: (34.91) 543 72 90

E-mail: agustinf.rodriguez@csd.mec.es

ŠVEDSKA

Stockholm

Doping Control Laboratory

Karolinska University Hospital

C2-66, S-141 86 Stockholm

Scientific Director: Dr Mats Garle

Tel.: (46.8) 58 58 10 75

Fax: (46.8) 58 58 10 76

E-mail: mats.garle@karolinska.se

dopinglab@karolinska.se

ŠVICARSKA

Lausanne

Centre Universitaire Romand de Médecine Légale (CURML)

Laboratoire Suisse d'Analyse du Dopage

Chemin des Croisettes 22

CH-1066 Epalinges

Director: Dr Martial Saugy

Tel.: (41.21) 314 73 30

Fax: (41.21) 314 73 33/70 95

E-mail: lad.central@chuv.ch

Martial.saugy@chuv.ch

TAJLAND

Bangkok

National Doping Control Centre

Mahidol University

New Biology Building, 6th Floor

Rachathewee District, Rama 6 Road

TH-Bangkok 10400

Director: Dr T. Anukarahanonta

Tel.: (662) 354 7147

(662) 354 7148

Fax: (662) 354 7150

E-mail: sctan@mahidol.ac.th

TUNIS

Tunis

Laboratoire de dépistage du dopage

11, bis rue Jebel Lakhdar

TN-1006 Bab Saadoun, Tunis

Director: Dr Mohamed Hédi Loueslati

Tel.: (216.71) 570 117/577 643

Fax: (216.71) 571 015

E-mail: mh.loueslati@fmt.rnu.tn

TURSKA

Ankara

Turkish Doping Control Center

Hacettepe University

TR-06100 Ankara

Director: Prof. Nursabah Elif Basci

Tel.: (90.312) 310 67 76

(90.312) 305 21 56

Fax: (90.312) 305 20 62

E-mail: nbasci@hacettepe.edu.tr

tdkmmaster@hacettepe.edu.tr

SAD

Los Angeles

UCLA Olympic Analytical

Laboratory

2122 Granville Avenue

USA-Los Angeles, CA 90025

Director: Prof. Anthony W. Butch

Tel.: (1.310) 825 26 35

Fax: (1.310) 206 90 77

E-mail: abutch@mednet.ucla.edu

SAD

Salt Lake City

The Sports Medicine Research and Testing Laboratory (SMRTL)

560 Arapeen Way, Suite 150

USA-Salt Lake City, Utah 84108

Director: Dr Matthew Slawson

Tel.: (1.801) 994 94 57

(1.866) 404 65 61

Fax: (1.801) 944 94 55

E-mail: mslawson@smrtl.org

.....Kraj prevoda

S engleskog jezika prevela Almedina Mešanović, stalni sudski tumač za engleski jezik, ovog 29.dana mjeseca aprila 2010.godine

Ukoliko nacionalno zakonodavstvo dozvoljava stručnjacima koji nisu ljekari da uzimaju uzorke tekućina iz organizma (sa svim posljedicama, uključujući ljekarsku povjerljivost u skladu sa ljekarskom etikom i Hipokratovom zakletvom), Anti-doping jedinica NS/FS BiH može napraviti izuzetak.

Vidi prethodnu fusnotu.

U slučaju utakmica u futsalu, službenik za doping kontrolu otvoriće kovertu 1 i 2 za svaku ekipu u sobi za doping kontrolu u prisustvu jednog predstavnika svake ekipe deset minuta nakon početka drugog dijela igre.